

Zeitschrift: Annalas da la Societad Retorumantscha

Herausgeber: Societad Retorumantscha

Band: 30 (1916)

Artikel: II Medeghin

Autor: Gianzun, R. A.

DOI: <https://doi.org/10.5169/seals-191447>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 11.08.2025

ETH-Bibliothek Zürich, E-Periodica, <https://www.e-periodica.ch>



Il Medeghin.

Da Dr. R. A. Gianzun.

.....

Gian Giacomo Medici eira naschieu a Milaun nel 1495. Sieu bap eira Bernardino Medici, sa mamma eira Cecilia Serbelloni. La famiglia Serbelloni eira nöbla, vegn eir quinto cha ün Serbelloni saja sto cardinal. Per que chi risguarda poi la genealogia del bap, Bernardino Medici, la famiglia Medici da Milaun quïntaiva la parevla seguainta: Ils Medici da Milaun sajan oriünds da Firenze. Els provegnan dals Medici da Firenze. A Firenze as hegian furmos duos partieus, ils Alvs ed ils Nairs. Ils antenats dels Medici da Milaun hegian fat part del partieu dels Alvs. Traunter Alvs e Nairs sajan naschidas discordias e scumbigls; in quels scumbigls ils Nairs hegian gieu la suramaun; els hegian sbandagio ils Alvs, hegian eir sbandagio ils antenats dels Medici da Milaun. Allura medems hegian piglio la via dell' exil, sajan emigros a Milaun. Lò hegiane savieu mantgnair lur vegl bun nom, hegian gieu incombenzas onorificas; nel 1159 e nel 1184 Medicis da Milaun sajan stos invios scu delegios all' imperatur Barbarossa. In seguit, la famiglia saja bainschi gnida al main, la hegia pers sa faculted.

Tela eira la parevla cha quïntaiva sü la famiglia Medici da Milaun. Perchè cha la quïntaiva sü medema, ais avuonda cler. In fat, allura eira que gran moda e smania da vulair descendere da qualcosa da straordinari. Que nun bastaiva da descendere da simpels mortels. Ma tuot que chi as rispettaiva, vulaiva descendere da qualcosa d' extra. E scha ils ascendants nun eiran diviteds u imperaturs u raigs u princips, schi stuvaivane almain esser famus eroes, generels, baruns e cavaliers. Uschea ils Medici da Milaun vaivan eir els la smania da vulair esser naschieus in möd pü nöbel cu otra glieud.

Ma que nun eira be moda e smania, evidentamaing.

Que eira eir interess.

In vardet, Bernardino Medici eira oriund da Bergamo. El vaiva tredesch infaunts: ses buobs e set buobas. Gian Giacomo, dit il Medeghin, eira il pü vegl. Traunter ils oters aise da numner:

Gian Angelo, chi dvantet pü tard archipreir a Mazzo in Vuclina, poi protonotar apostolic, uvas-ch, archiuvas-ch e finelmaing papa cul nom da Pio IV.

Battista.

Gabrio, u Gabriele, mort in üna da sias solitas spediziuns da flibustier sül lej da Com nel 1531.

Clara, chi dvantet la muglier da Wolfdietrich da Hohenems.

Margherita, marideda cun ün cunt Borromeo d'Arona, la mamma del cardinal Carlo Borromeo da Milaun, canonizo suot il nom da San Carlo Borromeo.

Vain quinto cha Bernardino Medici det a sieus infaunts üna buna instrucziun. Tar Gian Giacomo medema nun purtet ils melders früts. Del rest sieus biografs quintan cha nu'l vu-laiva fer oter cu stüdger storgias da guerra e da battaglias.

Nel 1511, Gian Giacomo avet üna baruffa cun ün cumpagn. Ditta baruffa väiva da gnir liquideda. In che möd vaiv' la da gnir liquidedà? Que ais vaira cha ils adversaris eiran italiauns del 16. secul, e cha quels eiran cognitamaing üna razza curiusa, pronta a vendettas e spargimaint da saung. Tuottüna, Gian Giacomo allura vaiva saidesch ans, que eira aucha ün buobatsch appaina süt davous las uraglias. Uschea ün vess stuvieu suppuoner cha la pendenza vegna liquideda cun ün pér wakers puogns. Ma que nun füt il cas. Dimpersè nos Gian Giacomo mazzet l'oter, simplamaing. In che möd cha el al mazzet, nun savains precis. Que ais pü cu prubabel cha el al mazzet in möd traditur. Que eira sa moda uschea.

Que eira il prüm mordraretsch dell eroe. Que nun vaiva dad esser sieu ultim.

El vaiva commiss ün delict. Delicts dajan gnir chastios. Uschea vaiva da gnir chastio eir quist delict. Per que chi risguarda poi il möd da 'l chastier, schi allura ils morders ün als mattaiva vi. Seguond la güstia del bun temp vegl vessane stuvieu metter vi eir Gian Giacomo. Invece sieus biografs quintan cha 'l delinquent füt be sbandagio. Pü prubabel ais que cha 'l függit.

Ma scha 'l függit, schi ün vess stuvieu l' inseguir e 'l claper. Quetaunt pera da nun esser dvanto. In Italia, allura vai-
van oter da fer dich ed avuonda.

Papa eira allura Giulio II. El eira dvanto papa nell' eted da 60 ans. Ma ils ans nun vaivan diminuieu sa forza e sa energia, els nun vaivan stüzzo il fö da sieu spiert. Cun tuot sas mendas eira 'l ün grand papa. El vaiva grandas ideas in chosas d'arte, el ais il vair papa della Renaissance. El vaiva eir grandas ideas in chosas politicas; el vulaiva creer ün grand stedi della baselgia e s-chatscher our d'Italia il esters, ils barbars: Fuori i barbari! Specielmaing vulaiva 'l chatscher our d'Italia ils Franzes, chi allura eiran padruns della Lombardia. Per obtgnair quist scopo vaiva 'l bsögn d'allios; el vaiva bsögn d'allios chi al dessan sudeda, buna sudeda. Tela sudeda al pudaivan der ils Schwizzers. Ma ils Schwizzers eiran stos buns amihs della Frauntscha, vaivan piglio pensiuns e pejas dalla Frauntscha, vaivan servieu alla Frauntscha e cumbattieu per la Frauntscha ans alla lungia. Vaivane uossa da banduner la Frauntscha e da passer al servezzan del papa?

Il raig da Frauntscha, Luigi XII., vaiva bainschi gieu differenzas cun sieus Schwizzers. Medems nun vaivan servieu per sieus bels ögls, dimpersè vaivan servieu per raps, vaivan da bun raps. Quels raps cha vaivan da bun, vulaivane avair, pü gugent da pü cu da main, e pü gugent hoz cu damaun. Cur cha 'ls pajamaints nun eiran pronts, schi Schwizzers vaivan reclamo, vaivan eir fat pes, vaivan piglio possess da Bellinzona, scu pegn; la guarnischun francesa da Bellinzona vaiva allura passo qualche trids mumaints. Uschea l'amicizia traunter ils Schwizzers e la Frauntscha nun vaiva purto be rösas, ma la vaiva purto eir spinas. E nel seguit, cur cha Luigi XII. vaiva darcho dad ir in guerra e druvaiva sudos, schi s' inclegia cha 'l hegia taunt inavaunt pondero la questiun, scha que nun füss pussibel da lascher ils Schwizzers inua cha eiran e da fer la guerra cun oters sudos, main prepotents, pü modests e pü ubidiants . . .

La Frauntscha vaiva sieus hommes d'armes, famusa cavalleria corazzeda. Ella vaiva ils sudos guascons, buna glieud resistenta, sumgiaunta alla sudeda spagnöla, abla specielmaing per la guerra da fortezza. La Frauntscha meglinavaunt pudaiva piglier a fit sudeda tudas-cha, ils landsknechts, lansquenets,

lanzichenecchi. Pussibel cha cun quellas truppas nun as possa vaindscher in guerra, e cha que vöglia propri Schvizzers!

Cunter tuots ils cussagls da sieus generels, Luigi XII. decidit da ris-cher la guerra sainza sudeda schvizzra e grischuna.

Quetaunt vess basto completamaing. Ma il raig da Frauntscha crajet cha que nun basta. E per fer la stupidited completa, schi as permettet el aucha tiers da 's exprimer sur ils Schvizzers in möd ingiurius e offensiv. El als trattet da grobs puratschs e pasters d'alp chi vöglan saimper be raps e raps.

Ils Schvizzers gnittan a savair quetaunt. E dvantettan grits terribelmaing. Per la Frauntscha e sieu raig vaivane purto la pel a faira, per la Frauntscha e sieu raig vaivane soffert fam e sait e strapatschs, plejas, malattias e mort. Per que, il raig da Frauntscha vess stuvieu als savair gro. Ed impè cu als savair gro, als büttaiva' l d' üna vart e gaiava a pigler a fit quels tudas-chs, lur inimihs, lur concurrents. E per surmarcho nun as trupagiaiva' l da 'ls demusser sieu spredsch e da 'ls tratter da puratschs e da villans! Ils purs valaivan taunts cu 'ls signurs! Ils purs vöglan musser als signurs que chi ais trumpf! A que bel signur raig da Frauntscha vulainsa musser la maniera!

Lossupra il grand storiograf Francesco Guicciardini scriva in sa Historia nel cudesch X:

Ma già sopragiungeuano apertamente alle cose del Re grandissimi pericoli . . . con furore grande esclamata nelle diete la moltitudine, accesa d' odio marauiglioso contra il nome del Re di Francia, affermando non essere bastata a quel Re l' ingratitudine d' hauere negato di accrescere piccola quantità alla pensioni di coloro, con la virtù e col sangue de' quali hauera acquistata tanta riputazione e tanto stato, che oltra questo hauesse con parole contumeliosissime dispregiata la loro ignobiltà, come se al principio non hauessero hauuta tutti gli huomini vna origine et uno nascimento medesimo, e come se alcuno fosse al presente nobile e grande, che in qualche tempo i suoi progenitori non fussero stati poueri, ignobili e humili: hauere cominciato a soldare i fanti Lanzchenech per dimostrare di non gli essere necessaria più nella guerra l' opera loro, persuadendosi che essi priuati del soldo suo hauessero ociosamente a tollerare di essere consumati dalla fame in quelle

montagne: però doversi dimostrare a tutto il mondo vani esser stati i suoi pensieri, false le persuasioni, nociva solamente a lui la ingratitudine: nè potere alcuna difficoltà ritenere gli huomini militari, che non dimostrassero il suo valore: e che finalmente l'oro, e i danari seruiuano a chi aueua il ferro e l'arme; et essere necessario fare intendere una volta a tutto 'l mondo quanto imprudentemente discorreua chi alla natione de gli Heluetij proponeua i fanti Tedeschi Congregauansi a Coira terra principale de' Grigioni

Cur cha papa Giulio II. dumandet als Schvizzers e Grischuns dad entrer nella Sacra u Sanctissima Lega cunter la Frauntscha, schi Schvizzers e Grischuns entrettan in medema cun milli dalet. E dettan al papà taunts sudos cha 'l vulaiva.

Las prūmas voutas, Schvizzers nun drizzettan our bger; specielmaing il generel franzes Gaston de Foix savet als tegner in Cristo. Uschea, zieva üna champagna rigurusa nellas fradaglias dell' inviern, Schvizzers as decidittan da volver vers chesa; aunz cu partir dettane aucha fö a diversas vschinaunchas sper Milaun. E Gaston de Foix pudet proceder inavaunt cun l'armeda. El rivet fin Ravenna.

Intaut, Maximilian I. imperatur as vaiva collio eir el cun la Sacra Lega. El vaiva clamo inavous tuots ils Tändsknechts in servezzan franzes. Nell' armeda da Gaston de Foix and eira bgers, eiran commandos da Jacob Empser, Guicciardini al nomna Jacopo Empser Tedesco. Quel survgnit il command da Maximilian aunz cu la battaglia da Ravenna. El füss sto oblio dad ubidir dalum. Allura ils Franzes füssan stos pers. Jacob Emser musset il command a Gaston de Foix, el as risolvet da raster fidel als Franzes fin zieva la battaglia. Nella battaglia el ed ün chapitauni spagnöl as sfidettan. Ed il Spagnöl al mazzet. Que eira le bon capitaine Jacob, scu cha 'l nomnan ils Franzes. El eira dalla famiglia da Hohenems, dunque ün paraint da que Wolfdietrich chi più tard maridet Clara, la sour da Gian Giacomo Medici.

Nella battaglia da Ravenna, ils Franzes füttan victorius. Ma scha guadagnettan la victoria, schi perdettane bgers da lur mellers sudos. Specielmaing rastet sül champ da battaglia lur giuven generel Gaston de Foix. Per la Frauntscha füt que ün cuolp terribel.

Intaunt Schvizzers as vaivan radunos a Coira. Lur cummandant eira il Signur da Hohensax Valaisaun. El condüet ils Schvizzers sur Alvra giò Val Müstair e Val Vnuost fin a Trento e da lò giò Verona e Valleggio, cunter ils Franzes.

Nel Gün 1512 eir ils Grischuns vaivan miss in pè trais armadas. Medemas chalettan giò Clavenna, in Vuclina, a Buorm e nellas Trais Plaivs, al lej da Com. Ils Vuclinas-chs las salüdettan cun güvels ed allegria: *Viva Signori Grigioni!*

Finelmaing la Spagna e l' Ingilterra as mattettan eir ellas in muvimaint cunter la Frauntscha. Mnatschos da tuot las varts, ils Franzes stuvettan as risolver da banduner la Lombardia. La Sacra Lega pigliet possess da tuot il pajais. Il figl del famigero Lodovico Moro, Maximilian Sforza, il putto Moro, turnet in sa patria. Ils 29 December 1512 fet el sa entredgia solenna in Misau. Ils Milanais al salüdettan cun allegria; els al salüdettan scu scha 'l füss il Messia: „non altramente come se fusse stato figliolo de la vergine Maria . . .“

Ma bain bod, el as demusset indegn dell'amur da sieu pövel.

A Pavia eira ün mulin. La mulinera eira bella. Ils bels ögls della mulinera ferittan il cour del princip. E cun sa mulinera smanchet el Milaun ed il rest del muond e laschet cha que tuna.

Allura Franzes vulettan turner. Nel 1513 lur truppas rivettan fin a Novara, alla riotta. Lò Svizzers e Grischuns as fettan incunter. Vaivan in vista rinforz, vessan pudieu als spatter. Ma ün Mutti da Uri, ils Italiauns al clamman Mottino, discurrit culs cumpagnuns, el nun vulaiva spatter, el vulaiva cumbatter dalum. Ils cumpagnuns tadlettan sieus pleds. Ils 6 Gün 1513 ils noss attachettan ils Franzes cun furia, con barbarico impeto. E l' armada franzesa füt missa in deruotta. Blastmand e gürand vendetta il vegl Trivulzio generel da Frauntscha as retret. Los supra la chanzun della Riotta a Novarra disch:

Il Signor Joan Jacomo gridava *Trivulzio*
Voltatevi canaglia che vi e incarcho,
Et subito l' insegnà lui pigliava
Con un forzer d' oro e argento carco,
Fece portar via e spesso lui giurava
Per S. Catalina e per S. Marco,
Che farò vendetta avanti ch' io moro
Di Svizzeri e di questo putto Moro.

Intaunt Gian Giacomo Medici inua eira'?

Daspö cha 'ls Franzes eiran davent da Milaun, pudaiva' l turner in patria. Pera in fat chà 'l saja turno. Ma scha 'l eira in patria, schi che faiva 'l lò? El eira bainschi aucha giuven. Ma 'l vaiva tuottüna intuorn 18 ans. El vaiva demusso sufficiantamaing cha nu 'l vaiva temma da spander saung da crastiaun. Uschea ün pudaiva spatter cha 'l gajaja nel combat eir el, taunt pü cha 'l vaiva taunt stüdgio cudeschs d' arte militera. Sa plazza füss steda a Novarra, inua cha 'ls Schvizzers spandaivan lur saung. Lò vess el pudieu imprender qualchosa.

Ma a Novarra üngün nun 'l ho vis. Niauncha ils panegirists Missaglia e Puteanus. E schi cha quels uschiglö al vezzan dapertuot inua cha accadiva qualchosa da glorijs.

Dal 1512 fin al 1515, pera cha Gian Giacomo saja sto a Milaun. Bger da bun nun daja 'l avair fat lo.

Intaunt Maximilian Sforza in Lombardia nun savaiva neir el fer ünguotta da bun. E cur cha la imsüra füt plaina, schi il nouv raig da Frauntscha Franzesc I. decidit darcho da pruver la conquista del bel pajais.

Uschea Franzesc I. partit cun l' armada vers Italia. Schvizzers e Grischuns vulettan al ir incunter per al der il bainvgnieu cur lur lungias piccas; al spattettan al Mont Cenis e al Mont Genèvre, all' alpe di Ginevra. Lò vulaivane l' attacher güst all' arriv. Ma il vegl Trivulzio eira ün furbaz, na per ünguotta al numnaivane Bolpe vecchia. El mnet ils Franzes per ün' otra foura, il pass dell' Argentièr. Uschea quels rivettan sauns e salvs in Italia. E Schvizzers e Grischuns as retrettan a Milaun e spattettan lò l' inimih.

Ils 13 September 1515, Schvizzers e Grischuns attachettan l' inimih. La battaglia düret duos dis. Ils Franzes avettan la suramaun. 10,000 Schvizzers e Grischuns dajan esser rastos sül champ dell' unr. Ils oters turnettan a Milaun scu taunts liuns ferieus a mort. Ils Milanais vzand gnir quella brava gli-eud s' avanzaivan allas portas da chesas e buttias ed als daivan paun e vin.

Que eira la battaglia da Marignano u San Donato.

Allura, Gian Giacomo inua eira'?

El vaiva allura 20 ans. Sieus panegirists Missaglia e Puteanus dian cha 'l saja sto ün liun. Siand ün liun Gian Giacomo vess gieu dad ir in battaglia eir el; lò vess el pudieu impren-

der qualchosa, el vess pudieu imprender cu ch' ün cumbatta e cu ch' ün moura. In fat, a Marignano üngün nun l' ho vis . . .

Zieva la battaglia da Marignano, il dücha Maximilian Sforza cun sieu nöbel seguit fügit tuot dret nel chasté da Milaun: rocca de porta Zobia. Il chasté eira ferm. Nel chasté as chattaiva bgera truppa. Nel chasté as chattaiva bger proviant. Otra truppa vaiva da gnir in agüd. Uschea Maximilian vess pudieu as difender bain läng; el vess eir stuvieu as difender. Ma que crastiaun nun valaiva ünguotta. Poi scu cussgler vaiva 'l Giro-lamo Morone, il Morun. Ed il Morun al cussglet da capituler bain spert. Maximilian ubidit. Ils Franzes pigliettan possess del chasté. E dettan a Morun üna bunamaun generusa. El la vaiva meriteda.

Maximilian Sforza get a ster in Frauntscha. Sieus partischauns gettan in buna part our d' pajais. Bain bgers as stabilittan a Trento. Lò capitettan eir Francesco Maria Sforza, frer da Maximilian, ed il famus Morun. Da Trento davent conspirettane cunter il domini Franzes, scharchettan mincha mez per cumbatter medem e 's avrir la via del retuorn in patria.

Oters Sforzescs exulants da Milaun furmettan bandas e s' arméttan. E in bandas armadas fettane la guerra. Cunter ils Franzes, s' inclegia. Ma na be cunter ils Franzes. Dimpersè eir cunter ils partischauns dels Franzes. E na be cunter sudos ed homens, ma cunter tuot, sainza schinag. Que eira üna guerra infama da brigants.

Telas bandas as furmettan specielmaing eir al lej da Com.

Lò üna banda füt furmeda tres Antonio del Matto, originari da Brenzio nella plaiiv da Dongo. Alla testa da quista banda, Antonio del Matto infestaiva il pajais, maltrattand la povra popolaziun, svalischand'e invuland a pü pudair. Ün autur italiaun quinta cha quel Matto ün temp dominaiva nellas Trais Plaivs a möd d' ün princip.

Nos Medeghin entret in quista banda. El dvantet ün zelant e diligiaint scular del Matto ed as demusset degn da sieu magister.

Nel 1518, il partieu Franzes, numno eir Trivulziaun riussit finelmaing a surprender il Matto ed a'l mazzer in ün cumbattimaint da not. Ma il Matto vaiva lascho ün figl, Giovanni, sudo in servezzan veneziaun. Medem surpigliet la ierta del bap barmör. El organizet üna flotta sül lej da Com. Cun quista

flotta attachet el las riveras, las vschinaunchas e citedinas allas spuondas del lej, el svindichet la mort del bap, el mazzet bgers. In sieu seguit traunter otras bellas ormas ed existenzas problematicas as chattet eir nos Medeghin.

Nel 1520, il Matto a quint dell' imperatur e del dücha Sforza vulaiva conquerier la cited da Com. El as mattet ad assedier medema, traunter sa truppa vaiva 'l eir tudasc. Ma' co al get que mel a maun. Il cūmmandant franzes laschet cha la truppa tudasc-cha piglia davent üna barcha chargeda da vin. Cuntaints scu raigs, ils landsknechts tudaischs mnettan la barcha vi tar lur quartiers e cumanzettan a fer festa e sulaz, in dulci jubilo. Alla fin, tuots eiran stuorns. Il cūmmandant Franzes and profitet. El sortit dalla cited, el attachet ils assediants, el als sterminet. Giovanni Matto vulet fügir, ma 'l füt fat praschuner e mno a Milaun. Lò füt el squarto tres maun del boja.

In seguit, il partieu Sforzesc guadagnand terrain, il Medeghin a que chi pera füt nomno prefect del Lario. Nel 1522 al gnit aggiunt Ermete Visconti cun üna flotta.

Intaunt ils grands Signurs urdivan la taila. E fettan nacher nouvas guerras e milli malams.

Papa eira Leo X. de' Medicis. El eira ambizius. El eira ambizius per se svess. Ma el nun eira ambizius be per se svess, dimpersè el eira ambizius eir per sa famiglia. Per medema vulaiva 'l funder ün reginam, ün grand reginam. Quist reginam vulaiva 'l funder nel nord dell' Italia, cumanzand cun Parma, Piacenza, Reggio; pü tard pigliaiva 'l in vista dad aggiundscher eir Modena, Ferrara ed oters lands. Nel 1515, il raig Franzesc I. zieva Marignano sfurzet il papa a renunzier per il mumaint a sieus progets, Leo X. stuvet renunzier a Parma e Piacenza in favur della Frauntscha. Da que Leo X. rastet mortificho; el continuet tuottüna a charezzer sa idea, el scharchet l' occasiun da la realizzar. Per que guardet el da raster in bunas culs Schwizzers, el as fet prumetter truppa schvizzra, el pigliet in sieu servezzan 6000 Schwizzers. Ils Schwizzers faivan gugent servezzan per il papa, il papa pudaiva dir cha el per 1000 ducats survegna in Schvizzra pü sudos cu otra glieud per 10,000.

Cun sieus Schwizzers il papa pudaiva fer frunt alla politica e continuer sas pratchas e fer valair sas pretaisas.

Nouvamaing, il papa trattet culla Frauntscha, el vulet obtgnair Parma e Piacenza. Ma il raig da Frauntscha, Franzesc I.,

nun and vulet savair nouvas. Uschea, il papa cumanzet a tratter cul famus Morone, il Morun. Quel as tratgnaiva allura a Trento; lò eira eir Franzesc Maria Sforza e cun el bgers nöbels milanais, ils banditi, usciti, fuorusciti, ils exulants. Il papa det raps a Morun. Morun ed ils oters Sforzescs pigliettan nouv curaschi, cumanzettan a lavurer suot terra cun nuovas forzas, animettan l' imperatur a partir in guerra cunter la Frauntscha. Ed in Meg 1521, papa ed imperatur conclüdettan üna lia per büttter ils Franzes our da Lombardia.

In quista guerra, il papa vaiva sudos schvizzers. Meglina-vaunt, il cardinal Schinner da Sion, il Sedunensis, gnit nel Grischun, a Coira, el rabaglier lò insemmel per il papa e l' imperatur da 6000 fin 8000 homens; cun medems as instradet el via Clavenna vers Bergamo. In October 1521 eira'l sül lö.

Dall' otra vart, il raig da Frauntscha vaiva truppa schvizzra, alveda in vigur della lia cun la Frauntscha.

Schvizzers e Grischuns da papa ed imperatur vessan gieu da cumbatter cunter Schvizzers del raig da Frauntscha!

In tuotta prescha, ils Schvizzers tramattettan in Italia depütos. Quels vaivan da tratter cun la truppa e dad impedir cha Schvizzers cumbattan cunter Schvizzers.

Per furtüna, il Lautrec, generel franzes nun savet tegner insemmel sa armada. La sudeda plaun plaun al bandunet. Una granda part da sieus Schvizzers turnettan a chesa, tuot simplaing. Uschea almain quista vota Schvizzers nun avettan da cumbatter cunter Schvizzers.

L'armeda dell' imperatur e del papa pudet avanzer sainza difficulteds. Rivettan all'Adda, la vulaivan passer. Ils Franzes dall' otra vart vulaivan impedir il passaggio. And naschit üna battaglia, del rest poch grandiusa. Que ais la battaglia da Vaprio u Vauri. Imperiels e papels riuschittan a traverser il flüm. Ils Franzes as stuvettan retrer.

In quista battaglia, seguond Missaglia e Puteanus Gian Giacomo Medici as daja avair distint.

Ais que vaira?

Que ais pü cu prubabel cha a Vaprio u Vauri, Gian Giacomo nun ho fat ünguotta u almain ünguotta da vaglia.

Guicciardini scriva in merit:

..... finalmente Prospero (Colonna) non conferiti al Marchese di Pescara i suoi pensieri, acciò che non parti-

cipasse della gloria di questa cosa, e perchè non gli peruenisse a notitia, rifiutata l' opera de' fanti Spagnuoli, tolte occultamente del fiume Brembo due barchette: mandò di notte con grandissimo silentio alcune compagnie di fanti Italiani a passare il fiume dirimpetto alla terra di Vauri. È Vauri terra scoperta e senza mura posta su la riua dell'Adda distante 5 miglia da Cassano, oue è l' opportunità di passare il fiume Raccoglieansi i fanti, secondo che passauano, in un rileuato con poco di forte, che è nella terra sopradetta, aspettando venisse il soccorso ordinato da Prospero: il quale subito, che hebbe auiso del principio felice, vi voltò quasi tutti i fanti dell' esercito alloggiati in diuerse Castella della Ghiaradadda sollecitauano continuamente di passare secondo che comportaua la capacità delle barche, Tegane, Capitano de' Grigioni, e due bandiere di fanti spagnuoli, mosse da' conforti del Cardinale de' Medici e de' Capitani: ma senza conforto di alcuno stimolato dalla propria magnanimità e sete grandissima della gloria passò Giouanni de' Medici, portato da un caúal Turco per la profondità dell' acqua notando sin' all' altra ripa, dando nell' istesso tempo terrore a' nemic e conforto a gli amici

Co cumpera Giovanni de' Medici. Quist Medici ais que noss Medeghin?

Na del sgür.

Giovanni de' Medici eira ün florentin, bastard dels vairs Medici. El eira ün dels melders chapitaunis italiauns da sieu temp, tmieu dapertuot scu commandant dellas bande nere.

Insemmel cun el vegn menziuno Tegane, chapitauni dels Grischuns. Quist Tegane eira Dietegen Salis da Sugl, le grand Diant. Jovius, scrittur italiaun al descriva, cu cha 'l as schlauntscha nella battaglia e schlavazza vi per terra il chapitauni franzes:

Quo in tumultu ipse Techenus, Grisonum dux, ingenti corpore oreque hirsuto, et supra thoracem et galeam ferina pelle in horrendum habitum protectus, Lesscutum, sibi congressum, hasta prosternit.

Zieva avair passo l'Adda, las truppas della Lia s' instradettan per Milaun. Ils 19 November 1521 arrivettane avaunt

las portas della cited. Eir in quista occasiun, seguond ils panegirists pajos del Medeghin medem daja avair fat miraculs da bravura. Tels miraculs vess el forsa pudieu fer, scha que vess do cumbat. Invece resulta cha Milaun nun fet resistenza. Ils Franzes as retrettan sainz' oter nel chasté. Las truppas della Lia Sacra occupettan la cited. Lossupra scriva Guicciardini:

Camminò adunque l'esercito in ordinanza verso porta Romana . . . Nella prima fronte del quale essendo il Marchese di Pescara co' fanti Spagnuoli s'accostò, appropinquandosi già la notte, al fosso tra porta Romana e porta Ticinese, e presentati gli scoppetieri contra ad un bastione fatto nel luogo che si dice Vicentino, più per tentare, che per speranza d'ottenere, i fanti Vinitiani, che n'havevano la custodia, non sostenuta non che altro la presenza de' nimici, voltate con inestimabile viltà le spalle, si messono in fuga: l'istesso feciono gli Svizzeri . . . in modo che i fanti Spagnuoli passato senza difficoltà il fosso e 'l riparo entrarono nel borgo . . . Da altra parte il Marchese di Pescara . . . accostatosi a Porta Romana . . . fu da' principali della fattione Ghibellina . . . messo dentro, e poco dipoi entrarono nel modo istesso per la porta Tecinese il Cardinal de' Medici, il Marchese di Mantova, Prospero e una parte dell'esercito, ignorando quasi i vincitori in qual modo, o per qual disordine si fusse con tanta facilità acquistata tanta vittoria. Ma la cagion principale procedè dalla negligenza de' Francesi . . .

Las truppas della Lia da Milaun davent as instradettan per Comb. La cited capitulet, ün vaiva prumiss da schinager ils abitants e lur proprieted. La troupe s-chadagneda invece cumanzet a lascher liber cuors à sieus instincts sulvedis. In quista occasiun, Dietegen Salis intervgnit cun forza e fet il pussibel per proteger la cited. Lodevole più quanto meno somigliante ai compagni, scriva Cantù. Franzes rastettan patruns da qualche chastels, specielmaing eir del chasté da Milaun. Il rest del pajais crudet nels mauns della Lia.

Bainschi, la Frauntscha nun as det per vinta. A forza da raps savet ella darcho furmer ün' armada da Schvizzers. Tres otas navaglias medema rumpet via sur ils pass del Valais e rivet in Italia. Prospero Colonna, generel della Lia spattet Franzes

e Schwizzers alla Bicocca sper Milaun; lò fortifichet el sa posizun. Lautrec, generel franzes, nun vulaiva attacher. Ma el vaiva fat il quint sainza ils Schwizzers. Medems eiran stos nudrieus melamaing, plandschaivan e reclamaivan:

dass man einem des tags nit mer hab wöllen geben dann
4 kleine brötli und ein buggal win . . .

Uossa cha vaivan l' inimih avaunt se, nun la vulaivane pü fer lungia. Ma vulaivan attacher e fer üna fin. Cün grända canera dumandettane cha vegna fat battaglia; lur chapitauni Albrecht vom Stein sbragiva: Wir wollint dran! Scha Lautrec nun cediva, schi ris-chaiva 'l cha sieus Schwizzers al bandunan e tuornan a chesa. Uschea Lautrec decidit la battaglia. Ils 27 Avrigl 1522 ils Schwizzers in servezzan da Frauntscha attachettan las truppas della Lia. Ma quellas als arvschittan melamaing. L'artiglieria ed ils schluppaters spagnöls zuppos nels champs da frumaint decimettan ils Schwizzers, sül champ rastettan morts forsa 3000 . . . Alleger e cuntaint Guicciardini scrivet:

. donde gli Suizzeri preso il camino per lo territorio di Bergamo tornarono alle loro montagne diminuiti di numero, ma molto più d'audacia: perche è certo che il danno riceuuto alla Bicocca gli afflisce di maniera che per più anni poi non dimostrarono il solito vigore.

Intaunt cha la Lia e la Frauntscha cumbattaivan alla Bicocca, nos Gian Giacomo inua eira 'l?

Tschert cha ün eroe da sia fatta vess gieu dad esser alla Bicocca. Lò vess el pudieu musser sa bravura: Hic Rhodus, hic salta! Invece el, chi nun eira sto ne a Novarra ne a Marignano ne a Vaprio, el nun eira neir alla Bicocca.

Inua ch' ün ris-chaiva la pel per del bun, seriusamaing, Gian Giacomo as traiva prudaintamaing d' üna vart.

Il Medeghin intaunt eira intuorn per il lej da Com. Lò faiva 'l da sias bravuras. Uschea attachet el Menaggio, el det fö al pajais. El conquistet eir Rezzonico e sieu chasté. El pigliet eir part a similas operaziuns cunter Torno, Bellagio ed oters lös. Cunter el cumbattaiva üna flotta del generel franzes Lautrec. Il Medeghin avet a subir disfattas sensiblas, el abandunet per qualche temp il teater della guerra ed as retret a Erba.

Ma löng nun avet el pos.

Sper Dongo, üna dellas Trais Plaivs, ais situo il chasté da

Müss, la rocca di Musso. Nel 1500, il chasté füt destrüt. Nel 1508, Gian Giacomo Trivulzio numno il Magno, partischaun dels Franzes, s' impadrunite dellas Trais Plaivs; Biagio Malacrida al cedit il chasté rastand in medem scu chastlaun. Allura Trivulzio fortifichet la rocca cun granda chüra. Un scrittur quinta cha Trivulzio nel „fortilicio Mussi“ hegia fat fabricher „infinita et ampla edificia ultra portum a fundamentis constructum et fontem per longas fistulas in arce conductum.“ Quista rocca eira rasteda nels mauns dels Franzes, da lò davent ils Franzes operaivan cunter Sforzescs e cumpagnia. Ils Imperiels vulaivan conquister la rocca. L' impraisa gnit confidea a Prospero Colonna, medem cummandoiva diversa truppa spagnöla, el cummandoiva eir bgera artiglieria. Medeghin cummandoiva qualche barchas. Ils Franzes as defendittan schlass e bain, l' assedi procedit be plaun, vainch assagls dajan esser stos respints. Ils Imperiels cumanzaivan a perder curaschi. Tuottüna, alla fin Malacrida, cummandant del chasté; stuvet capituler. L' unur del fat' d' armas gnit in generel attribuieu a Colonna. Il Medeghin invece pretendava, cha l' unur vess tucho ad el

Tscherts scritùrs quintan cha Francesco Maria Sforza fingiò allura hegia gieu prumiss la rocca a Gian Giacomo. Poi Sforza nun hegia tgnieu pled ne parola. Que chi ais pussibel. Il Medeghin saja sto mortificho.

Intaunt il Medeghin survgnit üna bella e buna occasiun da 's musser in sieu vair esser.

A Milaun eira ün nöbel Astorre Visconti, dit Monsignorino. Quel nel pövel eira fich bainvis. Invece il dücha Sforza al tmaiva e l' ödiaiva, el giavüschaiva da 'l metter our dels peis. Medemamaing il Morun, allura guovernatur del Milanais. Peracha Morun scharchet üna persuna capabla da mazzer il Monsignorino. Scu persuna capabla da telas acziuns cunschaiva 'l specielmaing Gian Giacomo. Cun quel il Morun passet pled. Natürelmaing Gian Giacomo as resentit flatto. El eira eir pront da surpiglier l' incombenza. Ma natürelmaing na per ünguotta: el vulaiva esser pajo. Dian cha scu peja del mordraretsch Gian Giacomo hegia dumando la rocca da Müss. E dian cha 'l Morun al hegia prumiss medema. Per üna tela peja, il Medeghin vess fat aucha otras. Insemmel cun ün Antoni del Pozzo mazzet el il Monsignorino.

Ils Milanais la pigliettan a mel. E la pigliettan a mel spe-

cielmaing al dücha svess, al faivan rimprovers cha el hegia
gieu ils mauns in quel trid fat. Un paraint del Monsignorino
vulet fer vendetta, el attachet Sforza cul stilet, il cuolp però get
a sbagl. Sforza similas chosas nun pudaiva tolerer, el stuvaiva
guarder da stravier pussibelmaing l' ödi del pövel e dels amihs
da pover Monsignorino. Per que fet el que cha oters avaunt
el vaivan fat. Uschea il vegl Francesco Sforza üna vouta vaiva
fat conquerter Piacenza, lò sieu chapitauni Brandolini vaiva
mazzacro seu ün türch; Sforza al vaiva lascho fer, e gugent;
ma zieva cha que eira fat, vaiva 'l miss a mort sieu Brandolini,
per cunterter il pövel. Similmaing Cesare Borgia, il duca Va-
lentino. Per sias infamiteds quel vaiva bsögn da serviturs cun
ormas da boja. Una da quellas ormas da boja eira il Messer
Ramiro u Rimino. Quist Messere serviva cun zeli las ouvras
infamas da sieu patrun. Il pövel ödiaiva que Messere a mort.
Cesare Borgia savaiva quetaunt. Un bel di que bun princip
as decidit da fer ün grand plaschair a sieu pövel. Uschea la-
schet el metter l' oter in praschun. E pochs dis zieva ün pu-
det vair in via il cadaver da Ramiro taglio in duos töchs. Que
eira Borgia chi avaiva cummando quetaunt.

Que pera cha simils buns exaimpels hegian inspiro eir
que bun dücha Sforza. Vzand cha ils Milanais nun pardunaivan
taunt chöntscht il mordraretsch del Monsignorino, schi Sforza
pera dad avair vulieu fer metter vi il Medeghin. Una vouta cha
quel eira our dels peis, schi Sforza vess pudieu dir cha il morder
da Monsignorino saja sto l' oter, e cha 'l morder saja sto chastio,
scu da güst. Ed il pövel forsa vess cret e füss sto cuntaint.

Per as sbarazzer del Medeghin, il dücha Sforza daja l' a-
vair do l' incombenza da purter üna charta al chastlaun da Müss.
In quella charta gniva do al chastlaun il cummand da fer maz-
zer il Medeghin. Quist ultim as hegia inachüert della trappla,
el hegia aviert la charta, el and hegia fabricho ün' otra. In
quist' otra charta hegia 'l do uorden al chastlaun da surder al
Medeghin il chasté da Müss. In tuotta fiducia, il chastlaun hegia
consegno al Medeghin il chasté Uschea il Medeghin saja
gnieu in possess della rocca. E cur cha Sforza al hegia cum-
mando da la restituir, schi il Medeghin hegia be fat beffas dad el.

La parevla pera infantila.

In ün möd u nell' oter, da riff u da raff, il Medeghin eira
però gnieu in possess da Müss. Lò as installet el scu da chesa.

El piglet in sieu servezzan üna banda da desparos, roba da gialfa e da fuorcha. El fabrichet barchas e construit üna flotta. A temps, sa flotta quintaiva pü cu 20 barchas. Medemas purtaivan sa bindera sumgiaunta a quella dels Medici da Firenze: Ils Medici da Firenze in lur vappa purtaivan ses ballas cotschinas in champ d'or; il Medeghin in sa vappa purtaiva ses ballas d'or in champ cotschen. Sa barcha principela purtaiva üna bindera culs pleds: Salva domine vigilantes. El fet incursiuns dapertuot intuorn per ova e per terra. A forza da rapinas ed incendis e mordraretschs savet el as fer tmair dapertuot. Uschea cha Guler pudaiva numner quel chaste: die grimmig und schier von allen umbsässen verfluchte veste Müss

Da lò davent il Medeghin gniva titulo quel da Müss u tiraun da Müss. Bgers al clammaivan der blutige Müsser

Intaunt ils Franzes nun vuettan ceder, vuettan turner a tuot cuost a Milaun. Per que survgnittane truppa schvizzra. Ils 5 Favrer 1523 a forza da pratchas e raps reuschittane poi a conclüder finelmaing eir ün tractat cun la Lia Chadè e las X Drettüras; da lò survgnittane eir sudos. Udind quetaunt, Sforza a Milaun clappet battacour; que nun eira per el zuond bricha indifferent cha ils Grischuns tegnan cun el u culs Franzes. El tramattet ambaschadurs nel Grischuns, medems nun savettan drizzer our ünguotta. Vzand cha cun las bunas nun eira ünguotta da fer, schi Sforza decidit da la pruver cun las melas: Ed el entret in trattativas cun Gian Giachem sü Müss.

A medem cedit el Müss e Val Sassina e otras terras al lej da Com. Dall' otra vart, Gian Giachem as obliet da servir il dücha Sforza cunter ils Grischuns.

Vers la fin del 1523, Dietegen Salis radunet üna bella Grischunia, cun quella chalet el in Italia. Il lej da Com vulavane passer in barchas. Ma il Medeghin faiva bunja gardgia. El vaiva fat ramasser tuot las barchas del lej, l' inter barcheggio, el al vaiva miss in lösgür, al pè da sieu chaste e fin giò Lecco. Uschea Grischuns nun chattettan barchas, stuvettan piglier la via da terra, per munts e vals. La via eira lungia, la via eira noscha, l' inimih eira molest.

Per river be fin a Bellano, Grischuns druvettan sés dis. In Italia poi savettane fer poch da vaglia. Intaunt cha cum battaivan cugiò, schi Medeghin nel Avrigl 1524 tuot in üna vouta attachet las Trais Plaivs. Commissari da medemas eira

Conrad Planta da Zuoz, numno Poppus. El vess gieu dad esser sül lö. Ma el eira ammalo, el eira a chesa; nelas Trais Plaivs eiran be sieus duos figls, duos giuvnets. Cur cha 'l Medeghin capitet cun sa sudeda, ils giuvens Planta stuvettan fügir, els fügittan sur ils munts da Dongo, Mondongo, Dunkelberg in Mesolcina. Il Medeghin pigliet possess dellas Trais Plaivs. Ün autur italiaun scriva cha Medeghin hegia allura restabilieu la gloriosa republica delle Tre Pievi. Una telà republica nun ho me existieu, uschea Medeghin nun pudaiva la restabilir. Invece pera cha 'l hegia fundo lò üna spezcha da satrapia.

Udind da quista aggressiun, Grischuns in Italia-as mattetan in viedi per difender lur territori. Pera poi cha il dücha Sforza hegia conclüt cün els ün tractat. Seguond medem ils Grischuns as vessan retrats dalla guerra in Italia, ed il Medeghin als vess gieu da restituir las Trais Plaivs.

In seguit, pera cha 'l Medeghin nun restituit las Trais Plaivs. Il tractat crudet vi. Grischuns eiran libers da fer que cha vu-laivan. Els eiran eir libers da güder darcho alla Frauntscha. E quetaunt fettane fich gugent, per raps.

Dietegen Salis viagget in Frauntscha. El füt arvschieu amiaivelmaing. Turnand entret el in relaziuns cul Medeghin; apparentamaing pruvet el eir da cumpre l'amicizia del Medeghin, cun buns raps franzes. Per miracul, il Medeghin quista vouta rastet fidel a sieu patrun Sforza. Cun 6000 Grischuns, Dietegen Salis as mattet allura darcho in muviment per l'Italia. Lò ils Franzes mnaivan üna lungia guerra d'assedi avaunt Pavia. Ils Grischuns cumbattaivan dalla vart dels Franzes.

Tuot in ün dendet, il chastlaun da Müss metta in ouvra nouvas impraisas cunter ils Grischuns.

Sül chasté da Clavenna residaiva allura il commissari Silvester Wolf. Ün al vaiva avertieu da löng inno cha als cunfins detta que muvimaints sospets, e cha que saja necessari da fer attenziun. Wolf füss sto oblio da 's inchürer, el füss sto oblio dad iffiner sudeda e da fer buna gardgia. Impè cu fer quetaunt, nun fet el ünguotta, el rastet sül chasté cun duonna ed infaunts. Il Medeghin and profitet. Ils 8 Schner 1525 ün tröp da desparos per incombenza del Medeghin savet fer praschuner il pover commissari e sieu buob; poi aviand quels in maun, savettane as fer surder il chasté. Ils 9 Schner 1525 il Medeghin svess rivet cun sa truppa, fand terribel fracasch cun tam-

burs; a Clavenna crajaivane cha vegna la fin del muond, ün nun fet resistenza, ün avrit las portas. Il Medeghin vulaiva continuer sieu viedi vers Bregaglia. Ma per via pera cha 'l füt culpieu tres üna buna balla da schlupet, el tmet da murir, uschea turnet el a Clavenna, el mattet truppa in cited e chasté.

Nel medem temp, il cunt Gherardo d'Arco, anterurmaing guovernatur da Com, eira entro cun truppa in Vuclina. A Dellebbio vaiva 'l dispers üna truppa da Vuclinas-chs, el eira rivo a Morbegno, el vulaiva continuer sa streda. Gian Travers, chapitauni della val, eira güsta absaint a Fürstenberg, in Val Vnuost. El gnit avertieu dalum, el saglit a chavagl, el passet l' Umbrail, in 24 uras eira 'l in Vuclina; el as mattet alla testa della truppa cha 'l pudet ramasser. A Talamona chattet el l' inimih. Medem fügit vargugnusamaing.

Lossupra Gian Travers scriva in sa Chanzun da Müss:

Sainza dmura munt' el a chavalg
E quella not passet Umbrailg.
Rivet in üna not culg dì inter
Lg chiapitauni tiers quels dal terzer . . .
Alhura las banderas cumanzaun a chiaminer
Et ls Inimis a nun vulair spater.
Cun grand algrezchia in Morbeng füt antro
Et ls inimis our d' la Vutlina schiatscho.

E da tuot las varts, ils Grischuns as mattettan in muvimaint. Ils sudos della Chadè gnittan giò per la Bregaglia. Ils sudos della Lia Grischa, specielmaing quels da Schams gnittan giò per il Splüja. Ils sudos dellas X Drettüras passettan Alvra e Bernina, instrados per Tiraun.

Quels della Chadé per via inscuntrettan pover commissari Wolf. Els al mattettan in farmaunza. Els numnettan üna drettüra. Medema condannet il commissari, na per tradimaint, ma per negligenza. In vigur della sentenza al mattettane a mort.

Ils 20 Schner 1525 vers saira ils sudos della Chadé rivettan avaunt Clavenna. Ün dels chapitaunis eira Gubert Castelmur, frer da Paulet Castelmur, chi as rechattaiva tar il Medeghin. Gubert tgnet lò ün bel discuors a sieus sudos, el als stimület ad attacher dalum, el as mattet a lur testa. Els al seguitan fin poch dalöntsch dal chasté, crajand ch' el als maina alla victoria. Tuot in üna vouta, ils sudos s' inaccurdschettan cha lur chapitauni vaiva profito della s-chürdüm per svanir, e

que aucha tiers in ün lö expost all' inimih. Els stuvettan as retrer. Els scharchettan lur chapitauni, nun al chattettan. Uschea stuvettane as persuader cha el als vaiva tradieus, el eira passo dalla vart del Medeghin. Ils Grischuns rastettan consternos da quist tradimaint. Cunter ils frers Castelmur, Paulet e Gubert füt inizieda üna procedura criminela. La drettüra als chastiet ed als sbandaget, natürelmaing in contumaciam. Traunter ils güdischs as chattet eir Calgia Maret da Chasté. Nel 1525 u 1526, siand Calgia Maret in patria, passet lò ün misterius tröp da chavalgiaunts, allà testa eira ün hom mascro. Quista banda assaglit Calgia Maret. Ün udit sbragir: Mazza, mazza! Maret füt mordragio. Ils chavalgiaunts függittan. Nel pövel vaiva que nom, cha 'l hom mascro saja sto Gubert Castelmur, quel hegia vulieu as svendicher per la sentenza da tradimaint.

Ils 21 Schner 1525, quels della Chadé passettan la muntagna dels lavez, mons lebetum sper Clavenna, chalettan sper Betto. Lò eiran intaunt arrivos quels della Lia Grischa, specielmaing quels da Schams suot il cummand da Mastrel Hilari. Ils Spagnöls sortind da Clavenna als vaivan attachos cun schlupatedas. Ma Grischuns della Chadé e della Lia Grischa reunieus reuschittan a 'ls batter ed a 'ls turnanter a Clavenna. Mastrel Hilari inseguind l' inimih eira fingiò penetru in cited. Ma davous el las portas füttan sarredas, ed el murit lò per la patria.

Aunch' üna vota il Medeghin pruvet dad entrer in Vucligna. Ma sainza success. Ils Grischs, schabain laints scu saimper, al chatschettan inavous cun tuorp e varguogna.

Ls Grischuns da Travunna aque sentittan,
Laintamaing incuter lg gnitten.
Scha fatt nun havessne taunta dmura,
Lg Castellan piglio havesne in quell' hora,
Cur el ls vzet gniand cun tel partieu,
Tuorn' el d' la via ch' el fü gnieu.

Uschea la guerra giaiva inavaunt. Grischuns and vaivan bod avuonda, eiran imbarazzos. Vessan gugent gieu darcho pesch e pos. In lur imbarazz crajettane da stuvair scharcher agüd tar oters. As vulvettan al raig Ferdinand, al giavüschettan da 's intrametter. Medem respundit benignamaing, el als cuss-glet da clamer aunz inavous lur truppa a Pavia: allura tuot saregia bain bod reglo a satisfacziun generela. Noss buns

Grischuns, animas candidas scu cha eiran, as fidettan dal pled del raig. Clamettan inavous Grischuns avaunt Pavia.

Il raig Franzesc I. als pajet our ed als laschet partir. Grischuns turnettan a chesa lur. L'armeda franzesa in quist möd perdaiva 5000 homens. Ils Imperiels and profitettan. Il 24 Favrer 1525, dì da S. Mathia apostel e dì da naschita dell'imperatur Carl V., attachettane ils Franzes. Al Barco di Pavia as dettane battaglia. Ils Franzes füttari battieus in möd disastrus. 8000 dels lur dajan esser stos mazzos u najantos nel Tessin. Il raig Franzesc I. füt fat praschuner.

Traunter ils morts eiran bgers sudos schvizzers. Ils Schvizzers imbüttettan aspramaing als Grischuns, cha hegian banduno il raig e lur camerads, e cha cuolpa della disfatta sajan els, e üngün oter.

Intaunt il cunt d'Arco eira entro üna seguonda vouta cun sa truppa in Vuclina. Ils 2 Favrer 1525 Grischuns l'affruntettan a Dubino. Darcho füt el battieu, sül champ da battaglia rastettan 400 dels sieus; Batrumieu Salis, l'archipreir da Berbenn e Sondrio, pü tard uvas-ch da Coira quintet da 'nd avair mazzo be sulet na main cu ündesch.

Ambas parts eiran madüras per ün armistizzi. Uschea concludittane ün tel. E poi al prolungettane.

Per trattar, seguond cussagl da Ennio uvas-ch da Veroli, Travers al nomna il Segner Verulaun, Comünas III Lias tramattettan ses ambaschadurs a Milaun tar il dücha. Scu ambaschadur della Chadè partit eir Gian Travers da Zuoz. Il dücha als det ün salvcondot formel. Cur cha passettan sper Müss, il Medeghin als arvschit fich amiaivelmaing; sieu frer Gabrio als mnet in barcha fin a Com, el als accumpagnat fin a Milaun. Ma a Milaun il dücha nun vulet artschaiver ils ambaschadurs. Ümilios ed avilieus tres ün tel trattamaint as instradettane vers patria, Gilli Mont passet tres il Tessin, ils oters tschinich cun oters Grischuns passettan il lej da Com. Ma viaggiand sül lej füttane tuots fats praschuners tres quel brigant d' ün Medeghin. El als trattet cun schnöss e cun beffas, el als fet sarrer aint in sieu chaste, in melas praschuns, el als maltrattett düramaing... Ed el fet savair allas Lias cha 'l hegia lur ambaschadurs in farmaunza, e cha 'l als lascha in liberted be a condiziun cha fatschan que cha 'l pretenda el.

Las Lias avertittan ils Schvizzers. Ma quels in granda

part eiran melcuntaints culs Grischuns, als faivan rimprovers cha tolereschan la Refuorma, pretendaivan cha aunz dessane schmetter medema e restabilir il vegl cult, allura schi vögliane als güder cunter il Medeghin. Ils 23 Schner 1526 avet lö un puntstag a Tavo, medem decidit cha las pretaisas dels Schwizzers merit religiun dajan gnir pigliedas ad referendum. Intaunt ils mess dels Schwizzers, Reichmuth e Fleckenstein, partittan per Müss, cun els partittan l' avat Schlegel da S. Luzi a Coira ed oters delegios dellas Lias. Quists delegios trattettan cun Medeghin per obtgnair la liberaziun dels ambaschadurs. Ils 8 Favrer 1526, ils delegios arrivettan ad üna conclusiun cul Medeghin. Medeghin liberet ils preschuners. Ma Trais Lias daivan al pajer 11,000 curunas, ellas daivan liberer sainz' oter ils praschuners cha vaivan fat nellas Trais Plaivs ed in oters pajais del tiraun da Müss, ellas daivan restituir ils bains confiscos als giunkers Gubert e Pol Castelmur. Ed uschea inavaunt.

Uschea pigliet fin la prüma guerra da Müss.

Las 11,000 curunas Grischuns nun las pajettan. Dimpersè medemas pajettan la Frauntscha, Vnescha ed il papa, seguond convenziun dels 28 Avuost 1526. Ma scha que ais vaira cha ils dits Signurs pajettan quels raps, schi nun als pajettane per ünguotta, nun als pajettan per ils bels ögls da Grischuns. Tuot oter. Grischuns stuvettan prumetter da nun der üngüna truppa als inimihs della Frauntscha, els stuvettan prumetter da nun lascher passer lanzchnech ne otérs inimihs da Frauntscha, els stuvettan prumetter da lascher alver duamili sudos per il servezzan da Frauntscha.

Fin alla battaglia da Pavia papa Clement VII. eiro rasto quiet, el nun vaiva piglio part alla guerra. Ma uossa, zieva la battaglia da Pavia, nun pudet el raster quiet pü löng. In fat, tres quella battaglia e sas conseguenzas, l' imperatur dvantaiva possaunt stramantusamaing. L' imperatur cummandaiva in Germania. El cummandaiva in Spagna. El cummandaiva nellas Indias, nellas colonias spagnölas vidvart ils mers. El cummandoiva nels Pajais Bass. Ed in Italia cummandoiva'l in Lombardia, a Napoli ed in Sicilia. Una tela pussauza eira ün prievel per tuots ils oters stedis e tuots ils oters princips, tuots ris-chaivan da dvanter vassals dell' imperatur. E quetaunt nun vulaivane. Pü chöntsch vassals del Türch cu vassals dell' imperatur! Uschea dschaiva il papa el svess. Il papa entret in

trattativas cun las otras potenzas mnatschedas tres-l' imperatur. Specielmaing cun Vnescha, Milaun e Frauntscha. Meglinavaunt culs Schwizzers e l' Ingilterra. El vulet furmer üna lia cunter l'imperatur. Uschea naschit la lia da Cognac dels 1526, per la libertà e la sicurtà d'Italia.

Fingiò aunz cu cha la lia eira furmeda definitivamaing, Vnescha decidit dad attacher. Generel dellas truppas da Vnescha eira il dücha d' Urbino, decoro cul nom onorific da Ercole Italico. El avanzet cun sa truppa vers l'Adda, el vulaiva attacher ils Imperiels chi a Milaun assediaivan Sforza nel chaste, nella Rocca de porta Zobia de Milano. Ma per attacher vulaiva que truppa, e que vulaiva truppa schvizzra. Il dücha d' Urbino nün and vaiva. Uschea schäarchet el da 'nd survgnir. Per que'as offrittan Gian Giacomo Medici ed Ottavio Sforza, uvas-ch da Lodi. Els offrittan da procurer truppa Schwizzra e Grischuna.

Aunz cu accepter üna simla offerta, Vnescha vess stuvieu examiner specielmaing il Gian Giachem. Allura Vnescha vess vis aint cha Gian Giachem in Schwizzra nun giodaiva bun nom; medemamaing in Grischun; culs Grischuns del rest officielmaing eira 'l aucha in guerra. Un cunschaiva Gian Giachem scu üna canaglia plaina da noschdets e da mänzögnas: er ist nit glasluter, yaiva que nom. Ün tel individuo nun pudaiva chatter facilmaing buna truppa; que manchaiva la fiducia, manchaiva il credit. Quetaunt ils Veneziauris vessan stuvieu chapir. Invece as laschettane aint cun el. Ed al dettan gran raps per racco-glier la truppa. Imprudentemente, disch Guicciardini chi cunschaiva l' utsché.

Per survgnir truppa Schwizzra e Grischuna, Gian Giachem vaiva bsögn dad agents. El schäarchet tels in Schwizzra e Grischun. Nel Grischun cunschaivà l' Teodor Schlegel, l'avat da S. Luzi, el as volvet ad el, el al giavüschet dad obtgnair il permiss dad alver truppa. Schlegel eira ün fervent inimih dels reformos; el vaiva fermamaing cumbattieu cunter els, els al ödiaivan. Schlegel savaiya quetaunt. Uschea vess el fat bain dad esser prudaint, el vess stuvieu eviter mincha occasiun da der andit a sospets. Specielmaing eir per que chi risguardaiva quel da Müss. Perchè cha quel eira ün inimih del Grischun. Ed el nun eira ün inimih leel, dimpersè el eira fos scu la munaida fosa, sajper plain da turs e trics ed infamiteds. El vaiva be poch aunz attacho la Vucligna, el vaiva piglio als Grischuns

Clavenna, el vaiva fat praschuners ils ambaschadurs grischuns, el als vaiva maltrattos e mnatschos da mort. Nel mumaint, cur cha l' giavüschaiva sudeda grischuna, la pesch nun eira aucha conclütta. Cun üna personalited scu quista, üngün Grischuń nun stuvaiva tratter, spécielmaing üngün Grischun nun vess stuvieu propuoner dad accorder ad üna tela personalited sudeda Grischuna. Main cu main üna tela proposta vess gieu da gnir fatta dall' avat da San Luzi. Quetaunt l' avat vess stuvieu vair aint. Ma el nun savet vaır aint quetaunt. Ils 12 Gün 1526, sül puntstag a Tavo, l' avat proponit da permetter a quel da Müss dad alver sudeda grischuna per il papa, Vnescha e Milaun. Quista dumanda augmentet cunter l' avat ils sospets e la melumur ed ils ödis.

In Schvizzra e Grischun, ils buns cumpagnuns, ils sudos nun vaivan güst prescha da seguir las tristas banderas da quel da Müss. Gnittan notiers be plaun plaun, e prubabel neir güst ils pü buns utschels. Intaunt il dücha d' Urbino spattaiva e spattaiva, el reclamaiva d' ün reclámer.

Allar fin, in Gün 1526 quel da Müss avaiva rabaglio insieme 5000 Schvizzers. Cun medems rivet el in agüd a Urbino.

E ün bun agüd cha l' Urbino survgniya lò!

Siand cha Urbino nun attachaiva dalum, schi Gian Giacomo a nom dels chapitaunis schvizzers e grischuns dumandet audiensa. El giavüschet cha vegna cummando la marcha vers Milaun, per s-chätscher ils Imperiels ed entrer nel chasté. Ma cul chasté che vulaiva' l fer? La chosa nün ais tuottaffat clera. Ma scu cha staun las actas, sospets sun permess. Que pera cha Gian Giacomo vaiva per testa progets grandius. El vulaiva entrer culs Schvizzers nel chasté. Una vouta entro nel chasté forsa vess el tgnieu medem per se. Ed el vess forsa pruovo da dvanter patrun da Milaun e del Milanais, in plazza del Sforza. Taunt pera tschert: Cur cha poch temp zieva il chasté da Milaun stuvet capituler e cha il dücha Sforza gnit nel champ tar l' Urbino, schi pridettane constater cha Gian Giacomo vaiva miss in trascha melas intrigas e tradimaints. Il dücha Sforza e l' Urbino vulettan al der la peja meriteda. A que scopo l' invitettane ad ün bankett, in quist bankett vulaivane proceder cunter el. Ma Gian Giacomo vaiva bun nes. El as inaccurdschet della trappla. E spert fügit el davent dal champ e turnet in sieu chasté da Müss.

Que eira nel Lügl 1526.

Poch zieva, ils Veneziauns tramattettan duos ambaschadurs alla cuort del raig da Frauntscha. Medems stuvettan passer poch dalöntsch dels territoris da Müss. Quel da Müss udit da lur passaggio. Sainza stüdger lönig, fet el farmer ils ambaschadurs, el als fet prachuners. Poi fet el savair a Veneziauns cha 'l detta libers lur ambaschadurs cunter pajamaint da bgera munaida, quella munaida hegia' l da bun per la pejas della truppa schvizzra. Pera cha Veneziauns stuvettan der al galantom que cha 'l dumandaiva.

* * *

Ils 6 Meg 1527, il Connétable da Bourbon cun sas truppas tudas-chas e spagnölas arrivet avaunt Roma l'eterna. El det l'assalt alla cited. Una balla al mazzet. Ma sieus sudos nun pardettan curaschi. La saira del medem dì penetrettane in cited. E la trattettan pes cu cha vessan fat ils Türchs.

La chapitela del muond crastiaun eira in mauns da quella sudeda s-chadagneda! Que fat stuvaiva fer sensaziun dapertuot. El stuvaiva fer sensaziun eir in Frauntscha, alla cuort da Franz I. Scha quel fin lò in quista guerra vaiva fat pochet, schi stuvet el vair aint cha 'l vaiva gieu tüert, e cha que eira temp da 's sdasder.

Nel Meg e Gün 1527, l'ambaschadur Franzes dumandet alla dieta, cha la dessa permetter al raig dad alver 10,000 Schwizzers a scopo da conquerister il Milanais. Ils 18 Gün, la dieta al det il permis. Il Medeghin as intramettet eir el. L'arma principela dels Schwizzers passet per Domo d'Ossola ed il Piemunt; invece ils Grischuns, ils Uranais, ils Schwyzers ed ils Glaronais passettan per il lej da Com. Quists eiran commandos dal chapitauni Troger dad Uri, da Dietegen Salis e dal Medeghin, il Medeghin daja avair commando specielmaing il contingent vuclinas-ch. Quista nouva truppa il Medeghin savet la druver per sieus scopos persunels.

Sper Cantù in Brianza, ils Bentivoglio possedaivan ün chasté, Monguzzo. Que chasté eira bain situo, il Medeghin vess savieu al druver per se. Ün bel dì and pigliet el possess. Leyva, allura generel imperiel vulet recuperer il chasté, el l'assediet. Il Medeghin vulaiva fer glivrer quist assedi. Uschea entret el in trattativas culs chapitaunis Troger e Salis. El als

perschuated da gnir cun el a Monguzzo. Lò riuschit que da batter ils Imperiels e da liberer il chaste.

Continuand sieu viedi, la truppa del Medeghin arrivet a Carate in Brianza, poch dalöntsche da Monza. Leyva, generel dell'imperatur l'inseguit, sieus sudos vaivan trat aint chamicas sur las corazzas per as cunuoscher in cas da battaglia da not, que ch'ün clamaiva ün'incamisada. A Carate, pera cha Medeghin vulaiva plazzer ils Grischuns sur not sun una costa, numneda la Costa d'Aciate; lò vessane gieu dad esser più sgürs. Escha ils Grischuns vessan gieu fiducia nel Medeghin, allura forsa vessane ubidieu. Ma fiducia nel Medeghin nun and vaivane üngüna, savaivan memma bain cha 'l eira capabel da tuots ils tradimaints e da tuot las schelmarias. Uschea nun ubidittane e rastettan giò nel plaun. E lò negligittane eir da metter our sentinelas. Vers la damaun, ils Imperiels attachettan il Medeghin. Trais voutas, ils Schvizzers büttettan inavous lur inimihs spagnöls ed italiauns. Alla fin arrivettan ils landsknechts tudachs, cummandos da Frundsberg. Schvizzers stuvettan piglier la fügia. Pera cha perdettan 5 banderas, 800 morts e ferieus, 500 prascuners. Il Medeghin, natürelmaing, riuschit a fügir.

Missaglia scriva lossupra:

Questo infelice fine hebbe si bella, e si ben considerata Impresa e l'ostinatione, e bestialità dei Grigioni

E la guerra continuaiva. Ma na güst cun forza. Uuossa neir ils Veneziauns nun as fidaivan da Medeghin. Daspö Avuost e September 1527 a Vnescha vaiva que nom, cha Medeghin saja ün traditur e tegna cull'inimih. Tuottünä quella vouta pera cha que nun eira aucha vaira.

In October 1527, il Medeghin assediaiva Lecco. Il generel imperiel Leyva füt infurmo. El marchet cunter il chaste Olginate, chi allura eira in mauns del Medeghin, el conquistet il chaste. Zieva continuet el viedi vers Lecco. Ed el sfurzet il Medeghin a desister dall'assedi.

Fin lò, il Medeghin vaiya cumbattieu per il dücha Sforza, Vnescha e la Frauntscha. Ma nel 1528 as decidit el a volver casacca. Morun fet il sensal. El mattet il Medeghin in relaziuns cun Leyva. Al Medeghin prumattettane bels titels e bgers raps. E sainza scrupels, allegramaing il Medeghin bandunet sa bindera e dedichet da lò davent sieus talents all'imperatur. Nel servezzan da medem rastet el del rest il vegl brigant cha l'

eira saimper sto, el rastet fidel a sas veglias metodas da guerra e rapina. Uschea intraprendet el ün' invasiun vers Bergamo e Val Brembana. Lò invulet el insemmel que chi 'l gniva suot mauns, el fet mner in praschun la glieud pü benestanta e la mattet in liberted be cunter pajamaint da grandas summas. Pi-gliand curaschi da que temp fet el eir progets dad aquister definitivamaing Como, Bergamo e sas vals, il Tessin ed il chaste d'Arona.

Ed el ed ils sieus as inspiettan nouvs progets eir cunter ils Grischuns.

Uvas-ch da Coira eira allura Pol Ziegler. Durante sieu uvas-chieu, la refuorma nel Grischun fet grand progress. El nun savaiva impedir quetaunt, el nun savaiva neir difender ils drets seculers dell'uvas-chieu, que al manchaiva la forza e l'energia. Uschea as retret el in sieu chaste da Fürstenburg, staungel e stüffi. Que eira üna capitulaziun. Il partieu cattolic nun pu-daiva admetter imedema, el stuvaiva scharcher mez per rimedier. Da que s'occupet specielmaing Teodor Schlegel avat da S. Luzi.

In che möd vulaiva 'l rimedier?

El vulaiva rimedier in que möd, cha Pol Ziegler vess gieu da renunzier all'uvas-chieu; e cha a sa piazza füss dvanto uvas-ch Gian Angelo Medici, frer del Medeghin, allura archipreir'a Mazzo in Vuclina. Gian Angelo e sieu frer in cumpagnia, pussibel cha quels duos nun füssan gnieus maisters della refuorma?

Per obtgnair quetaunt, cu as vaiva da proceder?

Gubert Castelmur da Bregaglia, quel chi vaiva tradieu il Grischun in favur del Medeghin, daja as avair inspio ün proget.

Wolf Dietrich da Hohenems, figl da Mark Sittich resident sül chaste da Hohenems, battagliand in Italia vaiva fat la cunschentscha del Medeghin. Els entrettan in trattativas. Wolf Dietrich daiva marider Clara, sour del Medeghin, la quela del rest al gnit rappresenteda scu veritabla parainta dels Medici da Firenze e del papa Clement VII. Las trattativas as stréttan püchöntsch alla lungia, ma alla fin Wolf Dietrich e la dunzella as fettan spus. Nell' utuonn 1528, Wolf Dietrich as instradet vers Musso per la maridaglia, el passet per Coira. Lò visitet el dasus l'avat Schlegel, quist al cumpagnet ün töch via. Wolf Dietrich e sa duonna vulaivan poi turner vers Hohenems cun seguit onorific, 120 personas e chavals. Gian Giacomo dumande ta

III Lias il permiss da passer tres il Grischun, III Lias accordet-
tan medem. Pera cha la comitiva eira fangiò arriveda a Splüja.
Allura accadittan chosas mê udidas.

A Splüja füt farmo ün mess da Gian Giacomo, medem
purtäiva chartas, lò eira discours da progets tenebrus cunter ils
protestants.

Gian Angelo Medici insemmel cun Dietegen Salis e Giöri
Beeli da Tavo eiran viaggios a Fürstenburg e vaivan visito
l' uvas-ch. Turnettan tres Engiadina. A Zuoz füttane farmos.
Ün chattet in lur possess chartas suspectas. Diétegen Salis e
Giöri Beeli da Tavo, pàraint dell' avat Schlegel, füttan chürlos.

A Coira ün muonch denunziet l'avat Schlegel, commun-
chand cha 'l hegia avaunt poch tratto cun Wolfdietrich, e cha
'l hegia purto davent da Coira a Feldkirch las richezzas della
clostra. Ils burgais da Coira arrestettan l'avat e 'l chargettan
cun chadagnas.

Nel Grischun circulaivan noschas rumors. In Vuclina sajan
pronts 15,000 homens a pè e 300 chavalgiunts, medems dajan
penetrer nel Grischun. Wolfdietrich vöglia s' impadrur dels
chastels, el vöglia instituir Gian Angelo seu uvas-ch da Coira.
Gian Angelo vöglia viagger tres il Grischun, ün al vöglia intro-
dür a Fürstenu u nel Hof, scu schà 'l füss ammalò, cùn por-
tantina; üna vouta nel châsté l' archipreir vess gieu da fer mör-
drager ils protestants da Coira, el vess gieu da restabilir daper-
fuot la messa ed ils vegls drets dell' uvas-ch . . . Uschea
gniva quinto intuorn. E qualcosa landervi eira vaira.

Scha que füss gratagio, allura Gian Angelo füss dvanto
uvas-ch da Coira, scu tel füss el sto possaunt in tuot il Grischun.
E Gian Giachem da Müss füss rasto patrun del lej da Com e
dels pajais attinents, el as vess bain bod impossesso da Vuclina,
Clavenna e Buorm e forsa eir del Tessin . . . E nella val
del Rhin vessane gieu lur paraints Hohenems, chi rappreschan-
taivan üna potenza fin giò al lej da Costanza. Medici e Hohen-
ems insemmel bain bod füssan stos patruns dels pajais traunter
Costanza e Como, San Gottard ed Umbrail . . .

Ma il grand proget stuvet ir ad ova. Il pövel grischun as
sollevet.

Ils Engiadinalis in tuotta furia s' instradettan vers Fürsten-
burg, cunter l' uvas-ch. Medem riuschit a fügir.

A Coira gnit procedieu cunter l'avat Schlegel. El füt tor-

turo. El nun confesset. Tuottüna, ils 23 Schner 1529, zieva torturas sgrischusas, füt el miss a mort tres maun del boja.

Ils canonics decidittan da lascher cruder la candidatura da Gian Angelo all' uvas-chieu da Coira!

Wolfdietrich e sa duonna nun passettan tres il Grischun. Ma passettan tres il territori dels chantuns cattolics. Medems als arvschittan pompusamaing, els tramattettan delegios chi accumpagnettan ils giasts fin a Feldkirch. Ornos cun las penas da pavun austriacas, ils delegios entrettan a Feldkirch e fettan buna amicizia culs Austriacs.

Il Medeghin, tucho nel viv, vzand cruder e svanir sieus progets ambizius, reclamet tar ils chantuns cattolics e fet udir mnatschas furibundas. Cun occasiun vulaiva 'l pajer inavous als Grischuns cun munaida da Müss. L' occasiun arrivet bain bod.

* *

Nel November 1529, l' imperatur Carl V. gnit a Bologna, el rastet lò fin in Favrer 1530. Lò as preschantet eir papa Clement VII. A Bologna, l' Imperatur e la Lia fettan la pesch. Cumparit eir Gian Giacomo. El pretendaiva cha nel tractat da pesch el vegna menziuno scu princip indipendent u quasi. Il dücha Sforza natürelmaing protestet energicamaing, e Gian Giacomo nun obtgnet tuot que cha 'l vulaiva. Tuottüna savet el as fer valair, el fet buns affers. Traunter oter surgnit el il titel da marchese da Marignano. Chi udiva que nom, stuvaiva crajer cha quel chi 'l porta saja ün dels gloriis eroes della journée des Suisses, la battaglia dels 1515. Ma a Marignano Gian Giacomo nun vaiva fat ünguotta. Ed el vess stuvieu lascher in pos que nom gloriis. Ma el vulaiva usurper la gloria dels morts per as fer üna reclama da Barnum.

A Bologna, pera cha Medeghin hegia suottamiss all' imperatur sas ideas merit conquista della Vuclina. La Vuclina stuvaiva gnir piglieda davent a'quels trids puratschs grischuns. Ün nun so che cha l' imperatur respundet in merit. Que ais prubabel cha nu'l dschet güsta da schi. Ma aucha main dschet el da na.

* *

Il Medeghin vulaiva la guerra. Vuliand la guerra, as preparaiva' l per la guerra. Si vis bellum, para bellum.

Nella pesch conclütta a Bologna, Franzesc Sforza as vaiva oblio da pajer all' imperatur grandas summas. Fin cha quistas summas nun eiran pajetas, l' imperatur mantgnaiva truppas in Lombardia. Sforza pajet allura quellas summas, l' imperatur licenziет sas truppas. Quellas scharchaivan ün nouv patrun. Il Medeghin offrit da las piglier in sieu servezzan. Traunter quellas truppas eiran bgers spagnöls, quels vaivan fingiò imprains a cunuoscher il Medeghin, savaivan cha 'l eira fos e traditur. Scha vessan pudieu giavüscher, schi vessane giavüscho ün oter patrun. Ma allura üngün oter nun dumandaiva lur servezzans. Uschea 900 dad els entrettan in servezzan del Medeghin. El als pajet mel. Ma sperettan dad ir in guerra e da pudair fer lò buna prisa.

Sper Tirano, ün emissari del Medeghin cumanzet a fer sü ün edifizi. Que vaiva nom cha que dess esser üna chapella da S. Roc, patrun da pesta. Ma ils mürs eiran gross scu mürs da fortezza. E que vess gieu da dvanter üna fortezza. Meglinavaunt il Medeghin cumanzet a fabricher üna tuor Archeto.

E que sün territori grischun, sper la via da Vuclina!

Ils Grischuns füttan avertieus da que. Intimettan dalum a Medeghin cha 'l dessa tralascher quella fabrica. Medeghin nun badet que, el continuet a fabricher, el vaiva lò 400 lavurants. Als Grischuns fet el savair, cha 'l vöglia tralascher la fabrica, scha Grischuns permettan cha sieu quino Wolfdietrich passa tres las Lias cun chavalgaints e landsknechts. Grischuns nun and vuettan savair nouvas, uschea il Medeghin continuet a lavurer vi da sa tuor; perchè ch' ün vezza main, laschet el lavurer specielmaing dad aint. Ses commissaris grischuns partittan allura sül lò, els constatettan l' ingian, els fettan savair a Medeghin cha 'l dessa sbuer sa tuor in temp da tschinck dis, in cas contrari hegia 'l da fer culs Grischuns. In medem temp ils Grischuns fettan relaziun alla dieta federela, ils Confederatos prumattettan lur agüd. Medemamaing la Lia. Ils Grischuns in servezzan da Vnescha, tmand ils ingians della Serenissima, turnettan a chesa. Truppas Grischunas as instradettan per Clavenna e Vuclina.

Allura Musso laschet a Archeto 200 homens, el svess as retret in sieu chasté.

Per la guerra cunter Grischuns, il Medeghin scharchet eir confederatos. El and scharchet dapertuot intuorn.

El pruvet da 's collier culs V chantuns cattolics. Lò vava' l qualche buns amihs, medems al faivan co e lò buns servezzans. Ma üna lia nun gnit accordeda.

El pruvet da 's cumbiner cun ils suddits grischuns in Vuclina. Eir lò chattet el qualche buns amihs. Ma in generel ils Vuclinas-chs rastettan fidels a lur signurs e patrunz dellas Eccluse Tre Leghe.

El trattet cun Vnescha. Pera cha Vnescha dascus al hegia do u imprasto qualche chanuns. Bger da pü Vnescha nun vulet fer.

El trattet cun l'imperatur. El trattet cul raig Ferdinand dad Austria. Medem magari al füss sto propens. Ma zieva per divers motivs Ferdinand nun vulet güder al Medeghin.

El trattet specielmaing cùn quels da Hohenems, Mark Sittich ed il figl da medem, Wolfdietrich, quino del Medeghin. Quists duos per il Medeghin vaivan üna tscherta affecziun. Wolfdietrich mattet in vista cha in cas da guerra els alvessan 3000 landsknechts tudas-chs e cha cun quels gnissan in Vuclina dalla vart del Tirol. Zieva quist proget get ad ova. Il raig Ferdinand nun vulet savair nouvas da quella spedizion. Ils Zürigais mnatschaivan perfin: scha Wolfdietrich nun hegia pos, schi vögliane passer il Rhin ed entrer nel Vorarlberg.

Per fer la guerra cunter Grischuns, quel da Müss vaiva eir bsögn da munaida. El crajaiva da 'nd avair memma pocha. El vulet and avair da pü. Per and avair da pü, and fet el fabricher. Natürelmaing eira que munaida fossa, fatta da zinn cun poch argient. Que bun Missaglia stu admetter il fat. El prova bainschi da strer notiers s-chüsas. Ed uschea scriva 'l:

.... fece battere, o più tosto abbozzare alcune monete; le quali ordinò che si spendessero del suo giusto valore, con promessa al fine della guerra di ritorsele indietro, e restituirliene altrettante di giusto prezzo; il che volendo egli effettuare al suo tempo, non si trovò chi ne ridomandasse il cambio, se non alcuni Guastatori Lucchesi, ne' quali era pervenuta gran quantità di detti denari.

Per obvier pussibelmaing al prievel, Grischuns tramattettan a Milaun tar Sforza Martin Bovolin da Mesocco, medem daiva as infurmer scha Sforza saja propri bun amih del Medeghin. Martin Bovolin partit per Milaun, el mnet cun se sieu figl. Tur-

nand passet el sper Cantù, poch dalönts ch dal chasté Monguzzo, occupo allura dal frer del Medeghin, Battista. Lò quatter brigants assaglittan pover Bovolin e sieu figl, als straschinettan nella frus-chaglia ed als mazzettan. Chi vaiva arrandscho que mordraretsch? Lossupra nun pudaiva exister üngün dubi. Que eira l' ouvra del Medeghin e da sa famiglia.

Il dücha Sforza tramattet dalum ün ambaschadur tar Grischuns. Medem daiva dir als Grischuns, cha il dücha nun s'impossa ünguotta del mordraretsch, e cha que al displescha fich, e cha 'l hegia cordöli. All'ambaschadur Grischuns fettan ün' accoglienzo pütost frás-cha.

Zieva il mordraretsch da Bovolin, la guerra eira inevitabla. Uschea taunt valaiva fer inavaunt. Il Medeghin rabagliet inssemel sa truppa. Cun quella as instradet el per Morbegno. Scu il solit, Grischuns nun vaivan previs ne preparo ünguotta. Uschea, ils 12 Marz 1531, il Medeghin pudet occuper Morbegno sainza cumbat, el fortifichet il lö, el plazzet in medem 800 sudos, medems eiran cummandos da Gabrio Medici, frer del Medeghin. Triunfand il Medeghin scrivet dalum da tuott las varts cha 'l bel cuolp al saja reuschieu.

Cunter el avanzet Gian Travers da Zuoz, a Berbenno battit el la truppa del Medici. Bain bod Grischuns rivettan avaunt Morbegno. A lur testa eiran Dietegen Salis, Gian Marmels e Martin Travers. Ils chapitaunis vulaivan spatter rinforz. Diversamaing la truppa, quella vulaiva attacher dalum. Nel Grischun, quella vouta, cummander nun cummandaivan ils cummandants, cummander cummandaiva la truppa. Ils cummandants ubidittan. Il resultat füt lozieva. L'attacha füt respinta. Dals Grischuns divers rastettan morts, specielmaing Dietegen Salis. Ils croniats quintan cha Gabrio Medici hegia spans larmas per la mort del valurus chapitauni, e cha 'l hegia fat sepulir la bela cun tuot las unurs.

Zieva quista disfatta, ils Grischuns stuvettan spatter rinforz. Per survegnir tels, as vaivane indrizzos a lur Confederatos.

Ils vegls chantuns nun vulettan güder. Els fettan valair divers motivs e s-chüsas. La guerra nun risguarda ils pajais dominants, dimpersè be ils pajais subdits, per conseguenza nun sajane obblios da güder. Ils temps sajan noschs, lur sudos drouvane per se svess, nun possan and trametter per il muond intuorn . . .

Diversamaing ils oters chantuns: Zürich, Berna, Friburg, Solothurn, Basel, Schaffusa, Glarus, Appenzell, ed in part San Galla e Thurgau. Medems alvettan ün succuors da 8000 homens.

Udind cha Grischuns e Schwizzers s'approssmaivan, Gabriel Medici decidit da banduner Morbegno e da 's retrer tar sieu frer a Musso. El eseguit la manovra da not, intaunt cha noss Grischuns durmivan il sön del güst. La damaun, cur cha 's inac-curschettan cha l' utschè eira fügieu e cha 'l gnieu eira vöd, schi as mattettane a 'l cuorrer zieva. Sper il lej da Mezzola als reuschit que dad azziever üna part della truppa dell' inimih. Medema füt battida e subit grandas perditas. Lò Grischuns fettan eir preschuners divers traditurs; traunter medems vegn numno ün chapitauni Grasso. Ils traditurs füttan güstizios se-guond dret da guerra.

Uschea Grischuns vaivan ruot la via fin Müss.

Intaunt arrivettan sur munts e vals ils Confederos.

Aunz ils Zürigais ed ils Glaronaüs. Ils 8 Avrigl 1531 medems eiran arrivos a Coira. Passettan inavaunt sur il Sett, instrados per Clavenna ed il lej da Com.

Ils dis seguaints arrivettan poi a Coira las binderas da Berna, Friburg, Solothurn, Basilea, Schaffusa ed Appenzell, rin-forzedas cun contingents del Toggenburg e del Thurgau. In-tuorn la mited Avrigl medemas as instradettan sur il S. Bernardin, vers Bellinzona, Porlezza e Menaggio. Commandant dels Bernais eira Hans Franz Nägeli. Passand nel Tessin quista truppa vulaiva eir demusser, cha Confederos in cas da bsögn eiran pronts da defender lur possessiuns al süd del Gotthard, las Gemeine Vogteien. A Porlezza inscuntrettane truppas del Medeghin. Medemas füttan battidas e stugettan as retrer. Il dücha Sforza tramattet dalum sieu secretari nel chàmp dels Confederos, el als offrit sieu agüd cunter Medeghin.

Las truppas dels Confederos e dels Grischuns marchettan allura vers Musso. Sper Dongo e Gravedona stabilittane lur champs: zu Tung im Lager! E cumanzettan ad assedier il chasté da Müss. Per que stuvaivane avair artiglieria. Cun staint e fadia, sur munts e vals, Grischuns savettan straschiner notiers divers chanuns. Cun quels bombardettane il chasté vigurusa-maing. Ma üna not, ils Grischuns chi vaivan la gardgia dels chanuns nun fettan lur dovair, as laschettan surprender dal Medeghin. Medem assaglit las gardgias e las fügiantet, ils

chanuns fet el rudler giò dals spelms fin giò nel lej Ils Confederos scrivettan a chesa cha quels sudos grischuns nun velan üna pipa tabac

Intaunt Franzesc Sforza offrit als Confederos e Grischuns da concluder üna lia cunter il Medeghin. Ils 7 Meg 1531 la lia füt conclusa. Seguond medema, Confederos, Grischuns e Sforza daivan cumbatter insemmel cunter il Medeghin, a scopo da 'l sdrür e s-chatscher completamaing. Daivan eir sбуver sieu gnieu, il chasté. Confederos e Grischuns furnivan 2000 sudos, il dücha as obliaiva da pajer 1200 da quels, ils oters 800 rastai-van a caric da Confederos e Grischuns. Il dücha daiva meglina-vaunt furnir üna buna flotta armada. Las terras conquistedas daivan appartgnair al dücha.

Cur cha quel da Müss udit, cha Franzesc Sforza al hegia banduno ed as hegia collio cun Schvizzers e Grischuns, rastet el tuot pers e stupieu Uossa schi stuvaiva 'l vair aint cha 'l ris-cha da perder tuot. Per stigmatizzer l'agir da quella zerp d'ün Sforza, fet el batter medaglias cun l'inscripziun: Fides fracta

Uschea la guerra cointinet. Ils allios attachettan continu-edamaing las plazzas fermas del Medeghin: Müss, Lecco e Monguzzo. Il Medeghin as dustaiva taunt cha 'l pudaiva. Speciel-maing savet el eir obtgnair qualche succes in cumbattand cunter la flotta sforzesca.

In ogni möd, alla lungia nun pudaiva 'l resister.

Il chasté da Monguzzo nun pudaiva più as defender. Uschea il Pellizon, chapitauni del chasté, üna bella not, cur cha noss Grischuns della truppa d'assedi durmivan sten e bain e 's im-sömgiaivan tauntas bellas e bunas chosas, cun tuot sa truppa passet tres il champ e riuschit a fügir. Ils allios la damaun pigliettan possess del chasté.

Sper Mandello, il Medeghin e Gabrio sieu frer cun la flotta attachettan il Vistarino, cummandant della flotta sforzesca. Dalla spuonda del lej davent, Vistarino fet trer qualche chanunedas. Üna da quellas culpit Gabrio nel chalum, el murit quasi dalum. El füt più tard sepulieu sper il Medeghin nella capella Medicea nel dom da Milaun; sur sa fossa gnit fabricho ün pompus monumaint, medem porta üna pompusa epitafcha

Gabrieli Medici ingenii et fortitudinis eximiae adolescenti post cladem Rethis et Francisco II Sfortiae illatam na-

vali proelio dum vincit cum invicti animi gloria interfecto . . .

Taunts pleds e tauntas manzögnas!

Zieva lungias guerrillas, nel Marz 1532 il dücha Sforza ed il Medeghin finelmaing fettan la pesch.

Il Medeghin surdaiva al dücha il chasté da Müss, la citted da Lecco e tuot las otras terras cha 'l possedaiva nel düicho da Milaun. El consegnava eir la granda part da sas armas e sa muniziun etc.

Per que, il dücha Sforza investit il Medeghin formelmaing del marquesat da Marignano ed al prumettet meglinavaunt 30,000 arainschs ed üna pensiun annuela da 1000 arainschs.

Al Medeghin ed a sieus frers gnit accordeda amnestia plenaria.

Il chasté da Müss gnit dalum sбуvo e nun daiva mē pü gnir refat. Lossupra scriva il cronist Guler:

. daraufhin man all dreij obeinander stehende vestungen auf den grundboden geschlossen hat, mit aufgerichten pacten, dass sie nimmermehr wiederum erbauen werden sollen.

Uschea glivret la seguonda guerra da Müss.

* * *

Il Medeghin, per ün temp, svanit dal Grischun e pajais confinants. Invece as musset el utro, dapertuot intuorn.

Dal 1533 al 1535, nella Confederaziun accadittan bgers incendis. Medems in part eiran causos maliziusamaing, tres noschdet. Scharchettan ils culpabels, in part als chattettane. Ma nel pövel as deraset ed as mantgnet tenacemaing l'idea, cha 'l Medeghin in sieu ödi cunter ils Schwizzers hegia pajo emissaris ed als hegia incombenzo dad ir in Schwizzra e da der fö pü cha possan

* * *

Nel 1535 murit Franzesc Sforza, dücha da Milaun. Il Milanais vaiva pers sieu signur e patrun. In vigur d' ün tractat, l'imperatur Carl V. pigliet possess del pajais. Il raig da Frauntscha pudaiva 'l supporter quetaunt? Daspö cha 'l eira munto sül trun da sieus antenats, vaiva'l aspiro a conqueriter il Milanais; per conqueriter medem, vaiva'l spans il saung della Frauntscha.

tscha in tschient cumbats, a Marignano, a Pavia, dapertuot intuorn; per conquister medem vaiva 'l eir spais l' or da Fraun-tscha sainza spargn e sainza schinag. E tuot que vess gieu dad esser sacrificio per ünguotta? Que eira insopportabel.

Franzesc I. decidit d' attacher darcho il Milanais. Per eseguir quetaunt, stuvaiva 'l passer tres la Savoia u tres la Schvizzra. Ma quists pass, eirane avierts per el?

Il dücha da Savoia, Carl III. numno il disgrazcho, quel as vaiva fingiò collio cull' imperatur Carl V. Uschea nun pudaiva' l permetter cha 'ls Franzes fand guerra a Carl V. passan tres Savoia. Già cha que nun giaiva cun las bunas, Franzesc I. vulaiva pruver cun las melas.

Per que chi risguarda ils Schvizzers ed ils Valaisauns, medems eiran allios da Franzesc I. Uschea eira da prevair cha laschan passer sa truppa. Ma ils Schvizzers fettan aucha pü. Els intervgnittan nella guerra.

Specielmaing ils Bernais.

La citted da Ginevra e la granda part del Wadt appartgnaivan allura aucha al dücha da Savoia. Ma Berna e Friburg vaivan conclüt cun Ginevra tractats d'amicizia e da proteczion. Cur cha la refuorma pigliet pè a Ginevra, il dücha da Savoia vulet intervgnir in favur della veglia creta. Ils Bernais nun vulettan sopporter quetaunt. Els pigliettan las armas.

Da sia vart, il dücha da Savoia as preparet per la guerra. El pigliet in sieu servezzan il Medeghin. Medem furmet üna truppa da 3000 fin 4000 homens. El u ün da sieus frers fettan poi ün' incursiun fin Echallens, in territori da Berna e Friburg, devastand il pajais.

Uossa, nel 1536, Bernais a mattettan in muvimaint. Lur chapitauni eira Hans Franz Nägeli, il medem Nägeli chi vaiva fingiò nel 1531 cumbattieu suot il chasté da Müss. Bernais penetrettan nel Wadt. A Morges s'imbattettane nell' inimih cummando dal Medeghin. Ma il cumbat füt fich cuort. Lossupra Nägeli scrivet ils 28 Schnier 1536 als Signurs da Berna:

Frytags vnns am Morgenn wider mit der ordnung zur weri gestelt, dann wir etwas kuntschafft ghept, das Sy em Bach Schier by Morse vnnser soltenn wartenn, Ist nitt beschèchenn, wol die Reisigen Sich aber geg vnnser forhut etwas erzöugt, das Sy die büchsen schützenn mit Ihnen gescharmüzt, och mit VIII schiffen vnnd einer

galeen am bort vnser gewartet etlich schütz mit grossen
gschüz vnd wir Inen ouch gethan, demnach sy darouon
mit den schiff wider vber See Nach vf das Wir Sy ge-
sechen mit dryenn venndlinen wieuil mogennit wir nit
Eigenntlich wüssen, Och wer Sy ebenn sind, dann by
IIm oder IIIm ytaliner, das annder Sunst Lanndtvolck
vnd von Tonung, mit den Edlenn, desshalb wir hinnocht
die Statt Ingenommen, dar Inn vber Nacht belybenn,
vnnd morndes wyter vorruckenn

Als Bernais il Medeghin vaiva musso las arains quasi
sainza cumbat! Eir nel seguit nun sus-chet el affrunter battaglia
cun els. Uschea ils Bernais conquistettan il Wadt e liberettan
Ginevra.

* * *

Il Medeghin turnet in Piemont. Lò sa truppa gnit battida
completamaing. Missaglia scriva cha cuolpa della sconfitta nun
saja sto il Medeghin, dimpersè ün sieu uffizchel, tschert Sca-
lengo, il quel impè cu eseguir ils cummands survgnieus vule
attacher per egen quint. L'imperatur vule bainschi continuer
la guerra e penetrer in Frauntscha.. Ma l'impraisa per el as ri-
solvet in ün disaster.

Il Medeghin e sieus confidents, in prüma lingia sieu frer
Battista, füttan inculpos da tradimaint. Il generel spagnöl Mar-
chese del Vasto in occasiun d'ün banket fet arrester tuot la
banda. Que det fin process, medem düret löng, il Medeghin
rastet in praschun 18, mais. Alla fin füt el libero vers cauziun.
Ma que vaiva vulieu tuottas. Il sospet rastet.

Sortind da praschun il Medeghin as purtet in Spagna. Lò
seguond Missaglia Carl V. al daja avair arvschieu cun bunted.

* * *

Ans ed ans alla lungia, l'imperatur vaiva spais e spans
rappuns, el als vaiva spais e spans in temp da pesch, el als
vaiva spais e spans in temp da guerra. Quists rappuns, el
stuvaiva als piglier da qualche vart, qualchedün stuvaiva als der
no. Chi vaiva da 'ls der? Natürelmaing ils suddits. E che
suddits? Natürelmaing quels chi vaivan qualchosa. Que eiran
in prüma lingia ils suddits nels Pajais Bass. Lò tres lavur e
furtüna ils suddits eiran dvantos richs e prosperus, ils Pajais

Bass eiran dvantos il cour e la chascha del stedi; ün dschaiva cha lò sajan las vairas Indias. Dals Pajais Bass l' imperatur obtgnaiva üna granda part dellas summas immensas cha 'l faiva poi ir; dals Pajais Bass pretendava'l raps sainza fin, el als chalchaiva cun gravezzas a pü pudair. Il pövel and dvantet melcuntaint. Fingiò nel 1531 e 1532, las citteds da Gent e Lüt-tich as sollevettan cunter l' imperatur.

Poi, nel 1539 e 1540, a Gent naschit darcho revoluziun, per la medema causa. L' imperatur allura eira in Spagna, el stuvet as instrader vers Gent. Che via vaiva 'l da piglier? La via pü dretta eira tres la Frauntscha. Uschea Carl V. trattet cul raig Franzesc I., el obtgnit il permiss da viagger da Spagna tres Frauntscha nels Pajais Bass. El fet que viedi cun tuotta pumpa, in mez a festas e ludis, arvschieu da Franzesc cun magnificenza. Tres Frauntscha passet el nels Pajais Bass. Gent nun sus-chet fer resistenza seriusa, ma stuvet as suottametter. L' imperatur laschet metter vi ün tschert nummer da rebels e müdet la constituziun della citted, privand medema da vegls drets e liberteds. Tuot que passet sainza opposiziun e sainza guerra. La sudeda avet poch da fer, taunt pü il boja. Al Medeghin pera cha tuchet il compit da fabricher our il chasté u la cittadella da Gent. Natürelmaing Missaglia il panegirist so eir co quinter miraculs cu cha'l chasté saja ferm, e cha que saja impussibel da 'l attacher cün success, e cu cha'il Medeghin da sieu cour hegia eir in quella occasiun ris-cho sa vita preiusa.

* * *

Daspö cha ils Türchs vaivan conquisto Constantinopel, lur guerriers vaivan purto lur armas eir vers Nord, vaivan attacho specielmaing l' Ungaria. Nel 1526, il grand sultan Suleiman vaiva sdrüt l'armeda ungiaraisa a Mohacs, il raig eira rasto sül champ da battaglia. Il trun ungiarais siand dvanto vacant, as preschantettan duos competiturs: dad üna vart Gian Zpolya, wojwoda della Transsilvania, dall' otra vart Ferdinand raig tudas-ch, frer da Carl V. Zieva lungia guerra gnit stipulo, cha intaunt l'Ungaria dess appartgnair a Zpolya; zieva sa mort dess 'la poi cruder a Ferdinand. Nel 1540, Zpolya murit; Ferdinand crajet da pudair occuper il trun vacant. Ma la Frauntscha stimulet ils Türchs cha dessan attacher Ferdinand. Ils Türchs as preparettan alla guerra. Il sultan Suleiman penetret

in Ungiaria, el savet batter l'armeda da Ferdinand, ils 26 Avuost 1542 arrivet el allas portas dad Ofen. L'imperi tudas-ch decidiit allura da fer la guerra cunter ils Türchs, il papa tramattet in agüd truppas italiaunas. L'armeda eira condotta da Joachim II., princip electur da Brandenburg. Alla fin September 1542 medema arrivet a Pest, tuot plauz sieu. Ils Italiauns pruvettan d'assaglir la cited, ils Tudas-chs impè cu 'ls sostgnair rastettan inavous. Tuot la champagna pigliet üna fin miserabla; Ferdinand declaret el svess, que chi hegia mancho nun saja sto ne la truppa ne il materiel, ma il commando hegia gieu poch tschervè ...

Nel medem senso 's exprima eir il nöbel cavalier Bastiaun Schertlin da Burtenbach. Quel scriva:

Der Kurfürst von Brandenburg ist Obrister-Feldhauptmann gewest und sie seind lang bei Wien im Wald gewesen. Der Türk hat mit keiner Macht kommen wöllen. Da sind sie erst auf den Herbst hinabgezogen, haben sich vor Pest gelagert, übel geschanzt, unordentlich gestörmt und sind mit Spott und der ganzén Christenheit zu Nachteil abgezogen. Über 15,000 Mann von guten Leuten waren verloren und das Geld unnützlich verschwendt.

Invece seguond Missaglia il Medeghin daja esser sto lò aunz generel da Ferdinand, e zieva, siand arrivo il princip electur Joachim, cummandant d' üna flotta sül Danubi e daja avair fat miraculs, scha na grands, schi almain pitschens. Ma a Missaglia nun as po crajer ünguotta.

* * *

Nels Pajais Bass, al Bass Rhin sun ils pajais da Geldria e Zutphen. Medems ün temp vaivan fat part del dücho da Burgund, zieva and eirane stos separos, furmaivan scu ün cuogn traunter il nord ed il süd dels Pajais Bass absburgais. La chesa dels düchas da Geldria siand estinta, l'imperatur vulaiva strer, ils pajais a se. Ma las citteds vaivan stipulo ün tractat cul dücha da Jülich-Cleve. Uschea, nel 1538, Wilhelm il Rich dücha da Jülich-Cleve occupet quels pajais; per as defender cunter l'imperatur conclüdet el nel 1540 üna lia defensiva ed offensiva cun la Frauntscha; nel 1543 passet el alla refuorma, el dumandet da gnir admiss nella Lia da Schmalkalden, furmeda a defaisa dels protestants cunter l'imperatur. In quistas circostanzas,

l'imperatur as collet cul raig Enric VIII. d' Ingilterra e partit in guerra cunter Jülich e la Frauntscha. Traunter sa truppa eiran eir Spagnöls ed Italiauns in nummer da 8000. Il Medeghin cum-mandaiva l'artiglieria. Las truppas dell'imperatur conquistettan la cited da Düren, ils Spagnöls in quista ed in otras occasiuns as cumpurtettan scu bes-chas sulvedgias. Il dücha Wilhelm stuvet as suottametter. Da lò l'imperatur passet vers Frauntscha, ed il Medeghin cun el. Ils Imperiels assediettan e bombardettan Landrecy, però sainza sucess. Siand arrivo l'inviern, il Medeghin turnet a Milaun. Vers prümavaira turnet el darcho in Frauntscha. Lò partecipet el all'assedi da Saint-Dizier, darcho sainza sucess. Uschea ils Imperiels as vulvettan vers Nord, devastand il pajais, invuland que cha pudaivan clapper, stra-schinand cun se ün buttin immens. Nel 1544, l'imperatur Carl V. e Franzesc I. concludettan poi la pesch da Crespy. Cha il Medeghin hegia aquisto granda gloria in quista guerra, nun suos-chañ pretender niauncha quels galantoms chi sun stos pájos per al iuder.

* * *

Ils 11 Avrigl 1544 a Cérésole, il dücha d' Enghien cum-mandant dell'armaida francesa e dels Schvizzers battit a fuonz ils Imperiels. Il Medeghin scrivet a Gian Angelo sur la bat-taglia, el confesset cha 'ls Imperiels sajan stos battieus, schabain pü numerus. Scha Medeghin eira traunter ils pluntos, nun ais tschert.

Nel 1544, nels Grischuns gnit quinto, cha l'imperatur vers pajamaint d' üna summa daner hegia permis al Medeghin da fabricher darcho ils chastels da Müss e Lecco e da piglier lò sieu domicili. Las III Lias e l' uvas-ch tramattettan depütos alla dieta a Baden, medems fettan lò lur rapport, fettan valair cha seguond tractat da pesch tuot que nun seja permis. Üna de-putaziun grischuna entret in trattativas cul guovernatur imperiel da Milaun, marques del Vasto. Pera cha l'avet success.

* * *

In Germania as vaiva deraseda la Refuorma. L'imperatur Carl V. eira inimih da medema, el mnatschaiva da l' extirper. Per as defender cunter l'imperatur, princips e citeds protestantas nel December 1530 as radunettan a Schmalkalden; lò furmettane l' uscheditta Lia da Schmalkalden; tres medema as obliettane

da defender lur cretta cunter ogni inimih. In quista Lia entrettan specielmaing il princips electurs da Sassonia, quel da Hessen, princips da Lüneburg, Anhalt e Mansfeld, poi las citteds imperielas da Svevia, Magdeburg, Bremen ed otras. Nel 1546 l'imperatur decidit da fer guerra cunter la Lia. Per que scopo radunet el truppas. Telas truppas vaivan da gnir eir d'Italia, ellas vaivan da passer il Tirol e da river in Germania a Füssen, nella val del Lech. Cun telas truppas vaiva da gnir eir il Medeghin. Las citteds imperielas da Svevia udittan quetaunt. Lur cummandant, il nöbel cavalier Bastiaun Schertlin da Burtenbach, vulaiva impedir cha las truppas d'Italia sbuochan in Germania. El radunet sa truppa: 12 binderas a Augsburg e 12 binderas a Ulm. Ils 10 Lügl 1546 as mattet el in viedi vers Füssen e Nesselwangen; lò vulaiva'l attacher ils Imperiels, poi vulaiva'l conquister la Ehrenberger Klause ed il chasté chi sarraiva il pass. Arrivettan a Füssen, alvettan intuorn milli purs per fer schanzas, ils 12 Lügl vulettane cumanzer a bombarder la cited e a der l'assagl. Ma il medem dì, la damaun bod, ils inimihs cun 16 binderas passettan inaspettedamaing sün territori bavarais. La Baviera siand neutrela, Schertlin nun pudet inseguir l'inimih. El al fet trer zieva qualche chanunedas.

Il Medeghin arrivet cun sa truppa tar l'imperatur. El accumpagnet medem vers la Sassonia. In seguit dvantet el ammallo, el pera d'avair passo l'inviern a Eger in Boemia. Poi, nel 1547 füt el preschaint alla battaglia da Mühlberg, disastrusa per ils protestants; lò del rest nun avet el brich occasiun da's distinguer. —

* * *

Durante la guerra, Ferdinand, raig dels Rumauns, scu raig da Boemia vaiva cummando a sieus suddits da furnir succuors. La nöblia in generel ubidit. Diversamaing las citteds. In medemas regnaiva aucha il vegl spiert hussit. Ellas simpatizzavon culs protestants, ellas iun vulaivan cumbattér cunter ils protestants da Germania, bgeranzi furmettane lias; medemas entrettan in relaziuns culla Lia da Schmalkalden; ün vent da rebelliun buffet tres il pajais. Zieva la battaglia da Mühlberg, Ferdinand vulet chastier ils Boemais disubidiaints. El entret nel pajais cun truppa italiauna.

Lossupra Missaglia scriva scu sguonda:

I Boemi più ostinati che mai con molta inconsiderazione assediarono il Re e Figliuoli nel Castello di Praga. Il che inteso dall' Imperatore gli mandò in soccorso il Marchese con il suo Reggimento, con titolo di Vicerè di Boemia; ma essendo i Tedeschi creditori di molte paghe, si ammotinarono per il camino e giunto in Boemia, in breve superata ogni difficoltà, con l'ardire, e destrezza sua, e con morte di molti capi della ribellione ridusse quella provincia a quieta obbedienza, e l' accordò a pagare quattro cento mila Tallari ogni anno al Re Fu grande la fatica e diligenza, che usò il Marchese sin da principio in condurre l' Artiglieria per si gran longhezza di paese, e per quelle pessime strade fra tante nevi e ghiacci, senza la quale sarebbe stato vano ogni altro sforzo, e ne fu perciò molto lodato da Cesare ..

Invece risulta cha Boemais stuvettan as suottametter sainz' oter, sainza battaglia. Praga e las otras citteds stuvettan implorer la grazcha del raig. Medem procedit severamaing, el fet pender e s-chavazzer ün grand nummer da sieus suddits scu rebels, el pigliet possess da lur artiglieria, el als fet pajer grandes summas. La lavur cha que daiva nun eira lavur da gran generel. Ma que eira lavur da boja. Il Medeghin fet lavur da boja, allegramaing

* * *

Intuorn ils 1528, il Medeghin, chi allura regnaiva aucha sü Müss, vaiva dumando da marider üna giuvna Boldoni, sour da Polidoro Boldoni da Bellano. Quella vouta, il frer Polidoro vaiva respint la dumanda cun sdegn, el vaiya declaro a quel da Müss cha sa sour nun detta 'l a rebels e leders. Quel da Müss as vaiva poi svindicho, el vaiva attacho Bellano, el vaiva mazzacro quasi tuot la famiglia Boldoni Intuorn il 1547, il Medeghin siand dvanto üna persuna considerabla, papa Paul III. al fet propuoner da marider Martia Orsina, sour del cunt Gian Franzesc da Pitigliano, d' üna famiglia imparenteda cun las pü nöblas famiglias d' Italia, ma discrediteda tres terribels s-chandels e disuordens. Medeghin acceptet a condizion cha sieu frer Gian Angelo vegna numno cardinal. Quetaunt dvantet e que det ün grandius maridatsch. Dall' alaig nun naschittan infaunts.

* * *

Nel 1548, l' uvas-chieu da Com eira dvanto vacant. As trattaiva da numner ün nouv uvas-ch. Nel Grischun as deraset la nouva, cha nouv uvas-ch hegia da dvanter Gian Angelo Medici. Dalum Grischuns scrivettan a papa Paul III., al giavüschtan da nun als der ün simil chantunais. Il papa als det risposta favorabla, Gian Angelo nun daiva dvanter uvas-ch da Com. Als Grischuns la nouva fet grand plaschair. Ils 18 November 1548 scrivettane al papa üna bella charta, al ingrazchettan per il bun servezzan cha el als faiva.

Nel 1549, Grischuns gnittan darcho a savair cha 'l Medeghin vöglia gniir a 's stabilir a pocha distanza da lur confins. Ün tel chantunais Grischuns nun vulaivan; il muond eira grand, schi cha 'l giaja utro, que schelm d' ün Medeghin. Grischuns invochettan il tractat da pesch dels 1531; in medem eira traunter oter stipulo cha Medeghin daja in avegnir raster dalöntsch dals confin grischuns almain traís miglias. In quist affer, Grischuns as volvettan eir alla dieta federela a Solothurn.

* * *

Da läng inno, il papa vaiva pretais per se la citted da Parma. Aviand obtgnieu il possess da medema, papa Paul III. concedit Parma in feudo a Ottavio Farnese, sieu paraint, dschender dell'imperatur. Ma l'imperatur vulaiva per se tuot l'Italia, el vulaiva per se eir Parma. Dall' otra vart, Ottavio Farnese nun vulaiva péfder sieu feudo, el vulet as defender eir cunter l'imperatur. Uschea Ottavio fet lia cul raig da Frauntscha. Cunter el nel 1552 partittan in guerra papa ed imperatur. Lur truppas eiran cummandadas da Don Fernando Gonzaga; e quel clamet in agüd il Medeghin. In seguit, Gonzaga aviand stuvieu ir in guerra in Piemunt, il Medeghin daja esser rasto avaunt Parma scu generel. Ma l' assedi nun avanzet in möd favorabel. Ottavio tres märidaglia eira neiv del Medeghin, il barba nun vulaiva fer del mel al neiv. El vulaiva saimper raps, el nun vaiva mê avuonda. L'imperatur raps nun and vaiva e nun and pudaiva trametter, el eira mez desparo. Il papa alla fin as stüfchet eir el, el retret sas truppas dà Parma. Uschea gnit fatta la pesch. Pü tard, al Medeghin gnivan fat rimprovers cha 'l hegia vulieu schinager sieu neiv e cha nun l' hegia fat sieu dovair cunter medem.

In merit a quista impraisa del Medeghin il cavalier Schärtlin scriva:

Parma und Mirandola ist vom Kaiser belagert worden,
und er zuletzt mit Spott abgezogen

* * *

Tres la guerra cunter la Lia da Schmalkalden, l'imperatur Carl V. eira dvanto pü possaunt cu më. Da sia potenza abüisaiva' l in möd odius. Specielmaing abüsaiva' l da medema vers ils princips protestants. Per medems, il giuf dell'imperatur dvantet intolerabel, pruvettan da bütter giò medem. Nun pu diand al bütter giò cun egnas forzas, scharchettane agüd. As vulvettan al raig Enrico II. da Frauntscha. Nel 1552, il raig da Frauntscha e divers princips tudas-chs concludettan a Chambord üna lia; seguond medema il raig da Frauntscha as obliaiva da purter agüd als princips cunter l'imperatur; dall' otra vart ils princips declarettan renunzier allás citteds da Metz, Toul, Verdun e Cambrai. Nel Marz 1552 ils Franzes pigliettan possess da Metz, il eummand della citted assumet il dücha da Guise numno le Balafré, hom da guerra energic e valurus. Carl V. 's avviciinet cun üna ferma armada; alla testa da medema staiva il dücha d'Alba; traunter ils uffiziels as chattaiva eir il Medeghin. Seguond cussagl del dücha d'Alba la citted füt assedieda. Nel November, las truppas imperielas furmettan il ring intuorn la citted. Ma ils Franzes as defendettan vigurusamaing. Arrivet l'inviern; el purtet strasoras e fradaglias; ils Imperiels manchaivan da victualias, els stuvettan soffrir la fam. Erumpettan malattias, ils sudos murittan in quantited. A Carl V. cussigliettané dad alver l'assedi. Ma Alba nun vulaiva ceder. Uschea Carl V. 's obstinet. Ammallo scu cha 'l eira, rastaiva' l in sella dis inters, el vulaiva vaindscher a ogni cuost. Alla fin, il 1. Schner 1553, ils Imperiels stuvettan as decider da partir. Laschettan inavous lur ammalos. Il dücha Guise pisseret per medems. Lossupra Schärtlin relatescha:

. . . . im December ist der Kaiser mit großem Schaden, Spott und Schanden davon gezogen und hat etliche Stuckbüchsen dahinten gelassen. Aller Stuck Räder waren zerhauen und zerschlagen, Pulver und Kugeln in die Mosel geworfen, viele kranke Knecht und Spanier

sind schändlich liegen blieben; bis in 600 wurden in die Stadt geführt und hand die Feind ihnen Gutes getan. Es seind dem Kaiser ob 8000 Personen davor umkommen und die übrigen übel abgefertigt worden

In quist disaster generel, il Medeghin nun pudet cler urbejas. Tuottüna sieu fidel Missaglia voul fer crajer cha 'l hegia almain do buns cussagls e poi lavuro nellas schanzas cun diligenza admirabla.

Ma a Missaglia ün nun po crajer ünguotta.

* * *

Siena eira libra: Respublica Senarum. Ils Sienais dschäivan els svess, cha da vegl lur citted saja steda redschida d' ün governo popolare ad usanza di Sguizzari. Inguord scu cha 'l eira, Carl V. vulaiva priver la citted da sa liberted; el spedit a medema ün orator Cæsareus, ün guvernatur; scu tel cumparit il spagnöl Don Diego Hurtado de Mendoza; el spedit a Siena üna guarnischun spagnöla; el decidit da fabricher a Siena üna cittadella. El declarer bainschi cha la cittadella saja destineda a proteger la citted. Ma que nun eira vaira, que eira üna manzögna: la cittadella in vardet daiva tgnair in frain ils Sienais, la daiva als rumper las cornas e sopprimer lur cara ed antica libertà. Ils Sienais inclegettan quetaunt, els fettan pass per obtgair cha la cittadella nun vegna fatta, els dettan bels e buns pleds, que nun güdet ünguotta. Carl V. numnet üna cumischiun; medema daiva stüdger inua cha la cittadella vaiva da gnir fabricheda. Da quista cumischiun faiva part eir il Medeghin. La cumischiun proponit da fabricher la cittadella sulla collina da San Prospero. Lò cumanzettane a la fabricher, e la sortiva da terra granda, lungia e largia: ils Sienais dschaivan cha in 30 ans nun la vessane glivreda. Ils Sienais vzaivan cu cha la müraglia as uzaiva saimper pü mnatschand lur veglia liberted. Els nun pudettan sopporter quetaunt, els scharchettan möds e vias per mantgnair lur drets. Scha que nun eira ieu cullas bunas, schi forsa gaiava que cun las melas, a forza dad armas e da saung e da guerra. Per la guerra scharchettane allios. Scu allio giavüschaivane Enrico II., raig da Frauntscha. Da sia vart, Enrico II. scharchaiva allios cunter Carl V., el scharchaiva allios eir in Italia. Uschea ils patriots da Siena ed Enrico II. da Frauntscha fettan üna lia cunter Carl V.

Ils 27 Lügl 1552, divers chapitaunis congüros della milizia rurela da Siena radunettan lur homens, las uschedittas battaglie, ed as mattettan in muvimaint vers la citted. Arrivettan allas portas da citted vers saira. La gardgia spagnöla sülla granda tuor in plazza vzet bgera glieud avaunt Porta Nuova: giò dalla tuor clamet ella ad ota vusch: Mucha gente sta arrivada a Puerta Nueva. Il chapitauni spagnöl Paceco currit tar Don Franzese d'Alvara, allura cummandant spagnöl della citted, el al proponit da trametter ün tröp da sudos spagnöls nel Palazzi della citted e da fer bütter our da fnestra giò in plazza il chapitauni del Pövel Sienais cun tuots ils Signurs del cussagl, a möd dad exaimpel, per fer temma als Sienais. Scha Don Franzese füss sto all'otezza della situaziun, forsa vess el seguieu il bel cussagl da Paceco. Ma Don Franzese era ün bunin scu üna duonnetta veglia: chè veramente era come una donzella. Udind il cussagl da que grobian d' ün Paceco, clapet el spavent: el nun and vulet savair nouvas:

. . . . lo ributtò, nè volse acconsentire a si crudele consiglio; e comandò a detto Paceco, sotto pena della forca, che in nessun modo mandasse ad esecuzione quel tanto enorme e bestialissimo pensiero

Intaunt ils congüros dettan fö allas portas da citted, pruvettan da penetrer in medema. In citted poi, ils patriots amatori della libertà vaivan pino crappa süllas fnestras, spattaivan l' occasiun per la bütter giò süllas testas dels Spagnöls. Chaland la not ils patriots in citted pigliettan las armas, sortittan da chesa, sunettan ils sains da stuorn. E dapertuot strasunaiva lur clam: Francia Francia Vittoria Vittoria Libertà Libertà! Las battaglie del pajais penetrettan in citted. Nel s-chür della not per tuot la citted ils patriots attachettan ils Spagnöls, ils cumbats continuettan ils dis seguants, ils Spagnöls stuvettan as retrer nella cittadella. Ils 4 Avuost 1552 tres mediaziun del dücha Cosimo da Firenze füt conclütta üna capitulaziun: Spagnöls e Fiorentins chi eiran sarros aint in Cittadella obtgnittan da sortir cun lur armas e binderas splajedas. Appaina cha eiran sortieus dalla cittadella, entret in medema monsieur de Lansac, uffiziel del Cristianischem Raig da Frauntscha: el fet dalum clamer ils Magistrats da Siena, Illustrissimi Signori e Capitano del Popolo. Medems arrivettan in tuotta pumpa:

Sonò a ordine subito, e si messe in punto la Signoría,

il Capitano di Popolo con tutti gli ordini e magistrati, e spiegato avanti a lor Signoré lo stendardo della Nostra donna; e loro tutti, con ghirlande in testa di verde olivo, andorno alla detta Cittadella, con grandissima moltitudine di genti, con la processione di tutto il clero, avendo in compagnia molti con zapponi, picconi, martelli, pali di ferro ed altri instrumenti per guastare; che parea che ciascuno andasse alle nozze. Subito arrivati, il sopradetto monsignor di Lansach, a nome del Re Cristianissimo di Francia, come suo Agente, ne fece pubblico instrumento di donazione alla Repubblica, e per essa alli sopradetti Signori e Capitano di Popolo . . .

Siand ils Sienais uschea dvantos padruns della Cittadella, la Signuría det prisa a pelas e badigls ed oters instrumaints e cumanzet dalum a demolir quellas odiusas müraglias. Il pövel dal gust cridaiva e sbragiva: Libertà, Libertà, Francia Francia, Vittoria Vittoria. E tuot as mattet a sbuer la müraglia: in temp d' ün' ura vaivane bütto giò pü cu chi eira sto fabricho in 4 mais . . .

Que eira la Caccia u Cacciata degli Spagnuoli.

Ils Sienais vaivan bütto our da citted ils sudos e las armas e las binderas da Carl V. Els vaivan offais Carl V. Una tela offaisa Carl V. nun pudaiva sopporter. El vulet chastier ils Sienais.

El det incombenza a Don Pedro Toledo, viceraig da Napoli. Medem radunet ün' armada e marchet cunter Siena, zieva sa mort l' armada füt cummandeda da sieu figl Don Garcia. Nel domini da Siena la truppa da Carl V. assaglit citteds e chastels. Ils Sienais as defendettan valurusamaing, specielmaing eir la citted da Montalcino. Intaunt in Germania Carl V. stuvet affrunter nouvas difficulteds, eir ils Türchs dvantettan prievlus. Nella truppa tudas-cha avaunt Montalcino erumpettan greivas epidemias. Uschea Carl V. as decidit da retrer sa truppa. Ed ils Sienais pudettan darcho trer fled.

La pesch düret qualche mais.

Allura, in Schner 1554, il Cristianischem Raig da Frauntscha spedit a Sienna Piero Strozzi da Firenze: quel vaiva dad esser generel franzes in Italia. Piero Strozzi eira inimih mortel del dücha Cosimo da Firenze. Scha Piero Strozzi eira a Siena, schi Cosimo nun vaiva ne pesch ne pos. Cosimo nun pudaiva

tolerer quetaunt. El as collet cull' imperatur cunter la Fraun-tscha e Siena. El mattet in pè ün' armada: il felicissimo Ducal esercito. L'ota direcziun da medem vulet conserver il dücha Cosimo per se svess: dì per dì al stuvaivane fer rapport sur l'andamaint della guerra, e dì per dì scrivaiva'l al generel sia opiniun. Ma in champagna el svess nun vulaiva sortir. Uschea stuvaiva 'l numner ün generel. Scu tel tschernit el Gian Giacomo Medici, il Medeghin, cul surnom il Boccal. A Siena scu agent del Cristianischem as chattaiva allura il Cardinal da Ferrara, il Reverendissimo di Ferrara. Medem gnit avertieu cha l'ini-mih preparaiva ün' attacha, el vess stuvieu preparer la difaisa, specielmaing vess el stuvieu munir las fortificaziuns chi eiran in fábrica avaunt la porta da Camullía, ils uschedits forti di Camullía; in fat medems eiran taunt scu la clev della citted. Ma il Reverendissimo di Ferrara negligit sieu dovair. Ils 26 Schner il Medeghin cun sa truppa partit dal territori florentin; el penetret nel domini Sienais; marchand da not arrivet el als forts da Camullía, el als chattet sainza gardgias, el s'impadru-nit da medems. Ün sérgeant spagnöl avanzet fin alla porta da Siena, el chatschet sa daja tres üna fessa della porta claman: Avrì la porta, cha Don Diego Hurtado de Mendoza voul entrer! Scha Medeghin vess gieu curaschi, vess el pudieu forsa conquister Siena tres sorprisa al prüm assagl. Uschea ils Sienais riuschittan aucha cun staint a sarrer las portas, e l'ini-mih rastet aucha dad our.

Nel domini da Siena e 'ls pajais confinants eira s-chadagneda la guerra.

Allura scu saimper, la guerra eira noscha e crudela, allura scu saimper la guerra sdrüiaiva la vita, semnaiva la ruina, la devastaziun e la mort. Tuottüna fingiò allura nella guerra vayan da valair tschertas normas d'umanited e d'unur, quistas normas gnivan compraisas cul nom della buna guerra, in opposiziun culla mela guerra, la mauvaise guerre, la guerre à toute outrance. Telas normas mincha sudo las daiva observer. Uschea las vess stuvieu observer eir il Medeghin. In fat, il Medeghin declarer cha 'l vöglia fer bun guerra. Ma in seguit, el nun agit confuormamaing a sa declaraziun: el nun fet buna guerra. Dimpersè el fet la guerra a möd da cannibals; cun speda e fö e fuorcha, cunter sudos e burgais e cuntadinš, cunter homens e duonnas ed infaunts, cullas armas del traditur è del schelm,

sainza coscienza e sainza verguogna. Ils Sienais da lur vart nun rastettan inavous, cumbattettan cun armas eguelas. E la guerra da dì in dì dvantet pü feroce e pü bestiela.

Vair Dumengia Saira 1915 pag. 33.

La not dels 22 als 23 Marz 1554, Ascanio della Cornia e Ridolfo Baglioni, chapitaunis imperiels, aviand pajo ün uffiziel franzes nella citted da Chiusi in Valdichiana, vuettan per tradimaint entrer in citted. In medema pudet entrer ün pitschen tröp. Zieva, l'uffiziel chi vess gieu da tradir la citted laschet sarrer la porta, ils sudos entros in citted füttan clappos in trappla. La truppa our citted füt assaglida improvisamaing, ils Imperiels subittan üna granda sconfitta. Ils 23 Marz, il Venderdì Sench, il chapitauni franzes Sevillac arrivet a Siena a grands galops, sper la citted sieu chavagl crudet a terra e crapet dal grand cuorrer. El purtet la nouva della granda victoria. Ils 28 Marz arrivet poi a Siena l'infanteria francesa da Chiusi culs praschners e las trofeas, ella entret in citted in triunf ed allegria:

.... entrò a Porta Nuova in ordinanza, strascinando le dodici insegne e li due stendardi di cavalleria tolti agl' Imperiali. Avevano in mezzo 350 prigion, svaligiati d' arme e di vesti buone; essi rivestiti con pannacci logri, girorno la piazza, e poi le prigion (sic) Avanti che le 12 insegne e li 2 stendardi uscissero di piazza, il signor Piero Strozzi ed il Reverendissimo di Ferrara ne fecero dono alla Repubblica; e furono portate in palazzo, ed a suono di trombe e di tamburi furono appiccate alle finestre di palazzo con le punte all' ingiù, con grandissima allegrezza di tutto il popolo ..

Ils Fráñzes in Toscana vaivan bsögn d' agüd. Il raig Enrico II. scharchet da 'nd obtgnair. El as vulvet als Schwizzers, quels grands Signurs, scu cha 'ls nomna noss Travers; el vess do bger per survgnir sudos schwizzers, s' impissand scu sieu mareschall Montluc:

Ils sont à la vérité vrais gens de guerre: Et seruent comme de rampars à vne armée: Mais faut que l'argent ne manque pas, ny les viures aussi. Ils ne se payent pas de parolles

Ma ils Schwizzers nun pudaivan spedir sudeda. Uschea Enrico II. and dumandet als Grischuns. Il puntstag a Tavo aunz nun and vulet savair nouvas. Zieva ils magnats parti-

schauns e pensiunaris da Frauntscha, ils Gallizantes savettan obtgnair cha il puntstag accordet al raig que cha 'l giavüschaiva: il raig pudet alver 3000 sudos. Commandant grischun da medems eira Antoni Salis da Rietberg. El svess staiva suot il command del marques da Fourquevaux.

3000 cumpagnuns dellas Trais Lias chalettan in Italia, passettan il Po, rivettan a Mirandola al pè dell'Appenin. Lò chattettane truppa italiauna e s'unittan cun medema. Intaunt Piero Strozzi a Siena furmet ün ferm corp da truppa, el marchet cun medema vers nord, incunter als Grischuns. Il Medeghin aunz al laschet partir, pür tard as mattet el in muvimaaint



seguind sieus stizzis. Strozzi ils 15 Gün 1554 partit da Lunata, el passet il punt a Moriano sul Serchio. Ils Grischuns da lur vart eiran partieus il medem dì da Castelnuovo in Garfagnana. Las duos armadas as unittan; seguond il scrittur Girolamo Roffia, Strozzi vaiva lò suot sieu cummand 14,000 infanterists e 600 cavallerists. Cun quista forza Strozzi turnet a Moriano e da lò davent s'intradet in direcziun da Siena. Il Medeghin pruvet bainschi da 'l molester. Ma el nun guadagnet ne success ne gloria.

Intaunt alla costa toscana eiran arrivos culla flotta nouvs rinforz franzes: 4000 Guascons cummandos da Montluc, landsknechts tudas-chs cummandos dal Rheingraf, quel cha ils Franzes numnaivan Rincroq ed il Sienais Lancroch u Ancroch. Strozzi als get incunter, las armadas s'unittan, insemmel turnettane vers Siena furmand üna forza da pü cu 16,000 infanterists e

1000 chavalgiaunts. Sül retuorn, sper S. Abbondio u Munistero, Strozzi abbandunet sa truppa, el partit ouravaunt fin a Siena. Il Medeghin vulet allura attacher l'armeda franzesa: Guascons, Grischuns, Italiauns e Tudas-chs. And naschit üna grossa s-charamütscha. Il Medeghin stuvet as retrer. Il colonel grischun, a que chi pera, al principi vaiva cret cha que nun saja serius, el nun vaiva vulieu as mouver. Zieva invece fet el suner sieus tamburs ed avanzet bravamaing cunter l'inimih.

Ils 16 Lügl 1554, Strozzi tuot superbi fet entrer sa truppa a Siena. Lossupra scriva Girolamo Roffia:

volendo far vedere alli signori Sanesi e a tutto quel popolo le forze sue, tante volte a quelli promesse; e per la porta Romana fece passare per il mezzo di Siena tutte le sue genti, di numero meglio di 16,000 fanti e 1000 cavalli. E dato volta alla Piazza, senza fermarsi e sempre in ordinanza, uscì della Città per porta Ovile; e fu tenuto tutto questo cosa bellissima.

Ils 17 Lügl 1554, Strozzi partit da Siena culla granda pârt da sia armada. A Siena laschet el scu cummandant Montluc cun 2000 infanterists e 100 chavals.

Strozzi marchet vers Valdichiâna. Da quellas varts pudaiva 'l dvanter prievlus per il dücha da Firenze. Il Medeghin vess stuvieu al seguir, el vess stuvieu impedir Strozzi da mnatscher il dücha. Invece il Medeghin divers dis nun fet ünguotta, el rastet tranquillamaing suot ils mürs da Siena. Strozzi and profitet, el conquistet divers chastels e citteds, traunter quistas eir Marciano. Alla fin rivet ün cummand da Firenze. Gugent u melgugent, il Medeghin stuvet as decider, el seguit Strozzi. Il Medeghin arrivet suot Marciano chi eira in possess della truppa da Strozzi. El assediet la citted. Lò arrivet Strozzi. Cruschs alvas da Frauntscha e cruschs cotschnas dell' imperatur avettan lò diversas s-charamütschas. Ils 29 Lügl 1554, las armadas as plazzettan üna in fatscha dell' otra e fettan lò lur achampamaints.

Il Medeghin nun vulaiva attacher. Strozzi nun vulaiva attacher neir el. Uschea rastettane ferms in lur champs. Ma que nun pudaiva dürer. Manchaiva l' ova, a Strozzi manchaiva eir il proviant. Nel champ da Strozzi la disciplina eira noscha, Grischuns ed Italiauns per üna buot vin as clappettan aint, and naschit üna vaira battaglia, in medema bgers rastettan morts, traunter oters eir Antoni Salis ed ün Schauenstein. Strozzi

stuvet as decider dad alver il champ. El fet quetaunt ils 2 Avuost 1554.

Allura il Medeghin tramattet inavaunt sa cavalleria. Medema avanzet cunter la cavalleria franzesa, tuot laintamaing. Ed ils chavalgiaunts franzes volvan lur chavals e s' daun alla fügia, sainza cumbatter!

Intaunt l'infanteria da Strozzi vaiva attacho l'inimih. La passet il foss chi separaiva ils champs, numno Scannagallo; la stumplet inavaunt cun forza. Ils Imperiels cumanzettan a tmair per lur pel. Ma Strozzi gnit ferieu, el stuvet banduner la battaglia. La cavalleria imperiela aviand fügianto e dispers ils chavalgiaunts franzes turnet inavous, ella intervgnit nel cumbat. L'armeda franzesa füt battida completamaing. Dels Grischuns, la granda part rastet sül champ da battaglia. Intuorn 500 füttan fats praschuners. A quels il Medeghin regalet üna curuna per ün ed als spedit a chesa lur.

Da quella granda e bella armeda be miserabels rests turnettan a Siena. Cu cha turnettan in ün stedi pchadus, requinta Alessandro Sozzini, gentilom da Siena:

Ora, chi avesse visto tornare in Siena tanti soldati di tante nazioni svaligiati, feriti e tanto malconci, piangendo buttarsi per le strade a diacere per le banche e murelli . . . non saría stato possibile aver possuto tener le laggime, sebbene avesse avuto il cuore di durissima pietra, vedendo e considerando una strage siffatta. Moveva tal caso orrendo tanto a compassione chi vedeva le strade piene di feriti e sentiva i pietosi lamenti, e massime dei Tedeschi e Franzesi, che si raccomandavano chiedendo un poco di sale per le ferite, che uomini e donne gli portavano sale, pane e vino, e gli ajutavano meglio che possevano . . .

Pochs dis zieva, il Medeghin arrivet darcho allas portas da Siena. Darcho vess el pudieu attacher la citted: scha l' vess attacho medema, chi so scha medema vess pudieu resister? Ma attachand la citted vess el stuvieu mner sa pel a faira, el vess ris-cho sa preziosa vita: Qui va a telles noces, en rapporte bien souvent de livrées rouges. E scha l'attach füss reuschieu, allura la guerra füss steda taunt cu glivreda, el e sa sudeda vessan pudieu ir a chesa, nun vessan pü pudieu sfrütter il pajais, nun vessan pü pudieu invuler ed insacher libramaing, impunemaing

que cha la glieud onesta vaiva aquisto nella süjur della fatscha. Al Medeghin ed a sas bandas nun cunvgniva que brich da fer fin alla guerra, ad els cunvgniva que da la strer alla lungia. Uschea il Medeghin stret la guerra alla lungia. Fin cha Carl V. svess al imbüttet aspramaing, cha 'l stira la guerra alla lungia be apposta, sistematicamaing.

Il Medeghin assediet Siena.

Da principi, il ring dell'assedi nun eira stret. In seguit, il ring füt strandschieu e sarro pü e pü: tres il ring nun pudaiva passer pü ünguotta, ne in citted ne our d' citted.

Nun pudaivan passer truppas.

Nun pudaivan passer armas.

Nun pudaivan passer specielmaing victualias: grauns, farina, paun, legüms, muaglia da maz, charns fras-chas ed insaledas, chaschöl, öli, vin e laina.

Plaun a plaun, nella citted pigliet pè la fam, la fam naira.

Ils Sienais as dustettan a pü pudair.

Els emanettan tariffas e fixettan ils pretschs dellas victualias.

Els pigliettan in requisiziun tuot la roba mangiativa, els expropriettan medema, els la scharchettan in magazzins e chesas privatas, els chastiettan severamaing in vita e bains quels chi zuppaivan lur provischiuns.

Els spedittan our da citted las buochas inütilas, le bocche disutili, tuot que chi nun pudaiva collaborer alla difaisa della citted: Femnas da mela vita, refügios, contadins, eir infaunts, glieud veglia e duonnas gnittan expuls inexorabelmaing.

Vair Dumengia Šaira 1915 pag. 33 e seg.

Ünguotta nun güdaiva. Pü e pü, a Siena pativane la fam.

Lossupra Sozzini scriva traunter oter:

Alli 29 detto (Settembre 1554), in sabbato non si fece carne per nessuno, e se ne pativa assai: molti avevano delle somare refuggite, che avevano figliato; ammazzavano quelli pollerucci asinini, e se li mangiavano

Alli 10 detto (Dicembre 1554), non trovandosi da comprar dell'olio (che chi l'aveva non lo voleva dare a lire 20 lo staro), fu per li Signori sopra le grasse postoli il prezzo di lire 25 lo staro, e se ne cominciò a trovare. Il dì detto, si vendè il vino meglio di scudi 14 d'oro la soma, al quale non si mettea prezzo acciò se ne trovasse per amore de' Tedeschi quali, non trovando del vino, non volevano combattere

In questo tempo (Febbrajo 1555) erono molti gentiluomini nobili, e non poveri di stabili, a' quali erano state abbruciate le case, tagliate le vigne e guaste le ricolte; chè per esser carichi di famiglia, e comprare il grano tanto caro, che avevano venduto ciò che avevano in casa; e nonostante questo, erano costretti la sera, quando si faceva notte, andare alle case d'altri cittadini ricchi, e domandarli un pane per l'amor di Dio . . . e questo lo dico, perchè a casa mia ne capitorno più volte mezza dozzina . . .

Marz 1555: Era quasi tutta la generalità sbigottita, e si vedeva espressamente . . . apparecchiata una strema ruina; imperochè non era pane nella Città (che si sapesse) più che per fino alli 20 del presente mese di Marzo: e già tutti i religiosi dei monasteri si morivano di fame, e gli dell'Abbondanza non gliene potevano dare; a tale che ciascuno stava come morto . . .

In questo tempo erano le persone in la Città, sì uomini come donne, tutti trasfigurati, magri e pallidi per li continui disagi, e per patire del vivere . . . Ne moriva assai di tutti i gradi e di tutte le età, e con brevissimo male; imperocchè eron mancate alli speziali tutte le cose di sustanza, come zuccheri, giulebbe, mele e confezione, con le quali un ammalato si posseva alquanto confortare . . .

Aprile 1555: E così nella Città ancor si cominciò a stentare allegramente. E la maggior parte delle famiglie, ancor che nobili, per risparmio del pane coceano delle malve in vari modi, e ne faceano varie vivande, pur che facesse ripieno: e di questo expertus loquor.

. . . ed il tempo passava, il pane si consumava, nè per denari se ne trovava; a tale che ciascuno stava di malissima voglia, ed io sentii da più amici miei, domandandoli come stavano: m'è venuto a noia il vivere . . .

Alla fin, ils Sienais eiran mez morts da fam.

Aunz cu murir tuot affat, ils 21 Avrigl 1555 conclüdettane üna capitulaziun. In vigur da medema, Montluc e la sudeda sortittan da Siena cun tuottas unurs della guerra; cun els sortittan da Siena numerus patriots, amatori della libertà insemmel cun lur famiglias. Medems s'intradettan vers la fortezza da Montalcino chi gniva difaisa gloriusamaing da Strozzi. Lò constituittane da növ la veglia Respublica Senarum: Il cour ed

il tschervè da Siena eiran uossa a Montalcino: ubi cives, ibi patria.

Il Medeghin pigliet possess da Siena.

El continuet eir in seguit la guerra cunter ils Franzes in Toscana. In medema al riuschit que da conqueriter eir Portecole. Zieva lungs cumbats alla fin vaiva que nom: Finis Senarum!

La bella e valurusa citated füss steda degna d'üna meldra sort

* * *

Nel 1556 eira guerra in Piemunt.

Medeghin vess gieu dad ir in guerra in Piemunt.

Missaglia scriva lossupra:

Ma mentre che 'l Duca (d'Alba) si preparaua d'andare a Napoli, e il Marchese nel Piemonte, Nostro Signor Dio, al quale non piaceuano forse le crudeltà, che per finire tosto la guerra haueua in pensiero di vsare nel Piemonte, ne lo leuò di uita, sano di mente sin' all' vltima hora, e dopo auer riceuuti i Sacramenti diuini.

Quela eira la causa della mort da Medeghin?

Lossupra las opiniuns differeschan.

Seguond Missaglia, il Medeghin vulaiva ruiner il Piemunt cun speda e fö. Noss Segner nun hegia vulieu permetter quetaunt. Per impedir quetaunt, hegia 'l fat murir il Medeghin.

Oters amihs del Medeghin la quintan la chose differentamaing.

Quintan nempe cha' l Medeghin hegia rendieu grands servezzans all' imperatur. El vess pudieu pretender gratitudine. Invece l' imperatur nun al hegia savieu gro, el saja sto ingrat. Il Medeghin, sensitiv e delicat scu cha 'l saja saimper sto, nun hegia pudieu sopporter l' ingratitudine imperiela. Que al hegia ruot il cour. Have anima candida.

Detags sur quista ingratitudine nun cunschains.

In vardet, il Medeghin vaiva la guotta. El ais mort da guotta.

Gian Ang. Medici, siand dvanto papa nel 1560, pisseret cha las spoglias mortelas del Medeghin vegnan transportedas nel dom da Milaun, nella capella Medicea. Sur la fossa gnit eret ün timbel monumaint cun inscripziuns e statuas seguond disegns da Michelangelo

Lò sto que scrit:

Jo. Jacobo Medici
Marchioni Meregnani eximii
animi et consilii viro
multis victoriis per totam fere Europam
partis apud omnes gentes clarissimo.

* * *

Il Medeghin che razza da crastiaun eira que?

Sch' ün vezza il monumaint e legia ils pleds magnifics pompus altisonants, quasi as crajess, cha Medeghin saja sto ün galantom . . . Per furtüna minchün so que chi vela ün' inscripziun funeraria. Ed il marmel ais paziaint.

Cul medem spredsch pudains tratter tscherts auturs da que temp. Que eira moda fingiò allura cha grands e richs cumpran l'orma e la penna da qualche pover diavel d'autur e cha quel per raps als venda lodavaglias sterminablas. Uschea eir il Medeghin e sa famiglia haun cumpro co e lò qualche autur, e quel ho poi gieu il trist curaschi da laver il mor e da preconizzer urbi et orbi, cha 'l Medeghin nun saja sto ün schelm ed ün brigant ed ün morder, ma cha que saja sto in vardet üna perla e flur da galantom . . . Non ti curar di lor, ma guarda e passa.

Tuottüna resta aucha ün tschert numer d'auturs italiauns chi trattan il Medeghin cun üna' tscherta simpatia. Medems faun valair:

Il Medeghin saja sto ün bun Italiaun. El hegia gieu amur per l' Italia e 'ls Italiauns. El hegia vulieu als fer del bain. Uschea hegia 'l vulieu liberer l' Italia e 'ls Italiauns dals esters chi allura 'ls opprimavan vargugnusamaing: Fuori i barbari! El hegia cumbattieu cunter ils esters, Franzes, Tudas-chs, Spagnöls, Schvizzers, Grischuns e tutti quanti. In quist möd hegia 'l fat ouvra naziunela ed ouvra da patriot. Per que chi risguarda ils mezs da cumbatter, schi Medeghin hegia fat la guerra; el hegia cumbattieu cun forza e curaschi ed inschin, el saja sto ün grand guerrier. Scu tel hegia' l reporto grandas victorias. El hegia bainschi eir fat üs da fosdet e manzögna ed intriga. Ma que saja sto allura la moda generela. E del rest il scopo da Medeghin saja sto bun, ed il scopo s-chüisa bgeras chosas.

Tuot que ais que vaira?

Evidentamaing na.

Il Medeghin nun vaiva zuond bricha sentimaints da patriot italiaun. El ho bainschi tscherts temps cumbattieu per princips italiauns, specielmaing per ils Sforza. Ma scha 'l ho fàt quetaunt, schi eira que be perchè cha que eira profitabel. Ed el ho lavuro per medems be fintaunt cha que eira profitabel, e na pü löng. Dalum cha que 'l cunvgniva da tradir qualchedün, magari ün princip italiaun, schi al tradiva 'l sainza scrupels, allegramaing. Uschea nel 1522, zieva avair servieu il dücha Sforza, ho 'l piglio possess da Müss, cunter la volonted da Sforza. Zieva fet el darcho la pesch cun Sforza. Ma nel 1526 machinet el cunter Sforza qualche tradimaint, el stuvet függir dall'armeda del dücha Urbino ed as retrer a Müss. Nel 1527 cumbatta 'l poi culs Franzes cunter Sforza. Nel 1528 tradescha 'l Franzes e Veneziauns e sèrva l'imperatur. Nel 1552 cumbatta 'l per l'imperatur cunter Parma. Dal 1552—1555 maina 'l la guerra cunter la citted da Siena, darcho per l'imperatur. Ün simil esser nun po mè pü gnir ludo scu patriot italiaun.

Inferiura ais poi la qualificaziun del Medeghin scu guerrier.

Nel cumbat generelmaing al manchaiva il curàschi. A Carate, impè cu viver e murir culs cumpagnuns, do 'l ils spruns al chavagl e fügia. A Castasegna, siand ferieu ligermaint vi d' ün pè, stima 'l böñ da 's retrer in tuotta prescha, cun granda anguoscha. A Morges nun suos-cha 'l attacher, ils Bernaïs conquistan il Wadt cun facilitated. A Füssen as retira 'l sün terri tori neutrel. Sa forza principela eira quella da 's placher a Müss in sieu chasté davous la grossa müraglia. Lò sa preziusa pel curriva poch ris-ch. Siand animo da tels sentimaints, tmus e tmüch, il Medeghin ho piglio part be a pochas battaglias e specielmaing a pochas battaglias champelas. Da quellas battaglias, diversas ho 'l pers, specielmaing quella da Carate. Vincitur ais el invece pürmemma rasto a Siena, ed in divers cumbats tres sorpraisa dell'inimih, scu in incamisadas nocturnas.

Nella guerra eira 'l avar e crudel e sanguinari, nella pesch medemamaing. Per raps eira 'l capabel da tuot. Per pudair invuler, prolungaiva 'l las guerras, faiva praschuners e 'ls sfurzaiva da cumprer lur liberted a pais dad'or. Scu speciels titels da gloria vulains menziuner sieu proceder vers ambaschadurs grischuns e veneziauns, e sa fabrica da munaida fosa

Nels precipizis dell' Infiern da Dante as chatta üna bolgia.
La bolgia ais plaina da saung da crastiaun. Il saung buoglia
sgrischusamaing. Nellas uondas da saung bugliaint ils pcheders
sun sprofundos fin sur la surschella.

Que sun ils violents.

Nels precipizis dell' Infiern ais ün' otra bolgia. La bolgia
brievla da zerps s-chifusas cha que ais ün sgrisch. In mez las
zerps cuorran crastiauns tuot nüds. Els haun temma, els vö-
glian as salver, el vöglan függir. Ma las zerps als inseguan,
as slauntschan scu frizzas, als clappan e straundschan e mor-
dan. Ed ils pcheders croudan stais e lung in terribels turmaints.

Que sun ils leders.

Nels precipizis dell' Infiern ais ün' otra bolgia. Lò ils
pcheders sun idropics, els soffran da malattia, els pateschan la
sait. E nun survegnan ün guot d'ova per stüzzer la sait.

Que sun quels chi haun fat munaida fosa.

Lò aise aucha ün'otra bolgia. Quella ais plaina da glatsch.
Ils pcheders sun dschaits aint nel glatsch fin sur our cho. Da
mez bruost insü 's adoza our dal glatsch Lucifer. Cun sas
griffas clappa 'l ils pcheders ed als chatscha in buocha ed als
mas-cha ed als maglia.

Que sun ils traditurs.

In che bolgia Dante vess el miss il Medeghin?



